



C40-4514

妙濟蓮華經解卷第六之二

治平元年正月一日

七廣顯持功二 初略標科叙

前品分別聞說壽量功德自此至法師不輕三品
廣顯聞持正宗功德隨功淺深有暫持圓持精持
之序次第廣顯自暫持始也言隨喜者謂未能一
心聽讀如說修行但隨其所聞喜爲人說隨其所
教喜須臾聞亦獲勝福故爲暫持功德



問

爾時彌勒菩薩摩訶薩白佛言世尊若有善男子善女人聞是法華經隨喜者得幾所福而說偈言
世尊滅度後其有聞是經若能隨喜者爲得幾所福

△二釋尊垂答三初明隨喜福四初自聞喜說

爾時佛告彌勒菩薩摩訶薩阿逸多如來滅後若比丘比丘尼優婆塞優婆夷及餘智者若長若幼聞是經隨喜已從法會出至於餘處若在僧坊若空閑地若城邑巷陌聚落田里如其所聞爲父母宗親善友知識隨力演說

△二展轉聞教

是諸人等聞已隨喜復行轉教餘人聞已亦隨喜轉教如是展轉至第五十

法會初聞從師親授其福最勝隨喜轉教則法師漸遠至第五十言又甚遠而福亦無量如下所校△三校最後福五初標叙

阿逸多其第五十善男子善女人隨喜功德我今說之汝當善聽

△二舉財施

若四百萬億阿僧祇世界六趣四生衆生卵生胎生濕生化生若有形無形有想無想非有想非無想無足二足四足多足如是等在衆生數者有人求福隨其所欲娛樂之具皆給與之一一衆生與滿闇浮提金銀瑤璃碑碣碼礪珊瑚琥珀諸妙珍寶及象馬車乘七寶所成宮殿樓閣等

僧祇世界生類不窮而能以寶物等施其福多矣天人鬼畜分爲六趣胎卵濕化總爲四生而形想等類預焉自胎卵至非無想通該三界十種異生

△三舉法施

是大施主如是布施滿八十年已而作是念我已施衆生娛樂之具隨意所欲然此衆生皆已衰老年過八十髮白面皺將死不久我當以佛法而訓導之卽集此衆生宣布法化示教利喜一時皆得須陀洹道斯陀含道阿那含道阿羅漢道盡諸有漏於深禪定皆得自在具八解脫

既以財施復以法施令得聖果則其福倍多

△四徵明

於汝意云何是大施主所得功德寧爲多不彌勒白

170

123456789180123456789190123456789

佛言世尊是人功德甚多無量無邊若是施主但施衆生一切樂具功德無量何況令得阿羅漢果

△五正校

佛告彌勒我今分明語汝是人以一切樂具施於四百萬億阿僧祇世界六趣衆生又令得阿羅漢果所得功德不如是第五十人聞法華經一偈隨喜功德百分千分百千萬億分不及其一乃至算數譬喻所不能知

財施外物道果小乘故不可及

△四校最初福

阿逸多如是第五十人展轉聞法華經隨喜功德尚無量無邊阿僧祇何況最初於會中聞而隨喜者其福復勝無量無邊阿僧祇不可得比

△二明隨喜報三 初專聞報

又阿逸多若人爲是經故往詣僧坊若坐若立須臾聽受緣是功德轉身所生得好上妙象馬車乘珍寶輦舉及乘天宮

轉身謂後身也上妙車輿卽人中勝報及乘天宮卽天中勝報故偈云後生天人中

△二分座報

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

若復有人於講法處坐更有人來勸令坐聽若分座令坐是人功德轉身得帝釋坐處若梵王坐處若轉輪聖王所坐之處

分座勸人則爲法心廣故報又勝前

△三轉教報三 一生處報

阿逸多若復有人語餘人言有經名法華可共往聽卽受其教乃至須臾間聞是人功德轉身得與陁羅尼菩薩共生一處

語人轉教利倍廣故報倍勝也十地論說得陁羅尼菩薩居五地

△二六根報

利根智慧百千萬世終不瘖痆口氣不臭舌常無病口亦無病齒不垢黑不黃不疎亦不缺落不荖不曲脣不下垂亦不褰縮不麤澁不瘡胗亦不缺壞亦不高斜不厚不大亦不黧黑無諸可惡鼻不匾匱亦不曲戾面色不黑亦不狹長亦不窊曲無有一切不可喜相

瘖言不成音痆則塞矣下垂上褰皆唇之惡相唇齶口戾曰高黧亦黑也黎水之黑墨火之黑匾匱謂平薄曲戾謂不端窊卽陷而曲也一切者

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

通言六根無惡

唇舌牙齒悉皆嚴好鼻脩高直面貌圓滿眉高而長額廣平正人相具足

△三生善報

世世所生見佛聞法信受教誨

由轉教善生生不窮

△三以劣顯勝

阿逸多汝且觀是勸於一人令往聽法功德如此何況一心聽說讀誦而於大眾爲人分別如說修行勸人往聽卽隨喜之事一心修行卽圓持之事隨

喜之功既爾圓持之功可知

△三以偈重宣三初頌隨喜福四初頌自聞

喜說

爾時世尊欲重宣此義而說偈言

若人於法會得聞是經典乃至於一偈隨喜爲他說

△二頌展轉聞教

如是展轉教至於第五十

△三頌最後福四初頌標叙

最後人獲福今當分別之

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△二頌財施

如有大施主 供給無量衆 具滿八十歲

隨意之所欲

△三頌法施

見彼衰老相 髮白而面皺 齒疎形枯竭

念其死不久 我今應當教

令得於道果

卽爲方便說

涅槃真實法

世皆不牢固

如水沫泡焰

汝等咸應當

疾生厭離心

諸人聞是法

皆得阿羅漢

具足六神通

三明八解脫

△四頌正校

最後第五十 聞一偈隨喜 是人福勝彼
不可爲譬喻

△四頌最初福

如是展轉聞 其福尚無量 何況於法會

初聞隨喜者

△二頌隨喜報 三 初頌轉教報

若有勸一人 將引聽法華 言此經深妙
千萬劫難遇 卽受教往聽 乃至須臾聞
斯人之福報 今當分別說 世世無口患

齒不踈黃黑 唇不厚褰缺 無有可惡相
 舌不乾黑短 鼻高脩且直 額廣而平正
 面目悉端嚴 爲人所喜見 口氣無臭穢
 優鉢華之香 常從其口出
 卽六根善報也 多說口報者以展轉教誘由口業
 起

△二頌專聞報

若故詣僧坊 欲聽法華經 須臾聞歡喜
 今當說其福 後生天人中 得妙象馬車
 珍寶之輦輿 及乘天宮殿

故詣專於引聽

△三頌分座報

若於講法處 勸人坐聽經 是福因緣得
 釋梵轉輪座

△三頌以劣顯勝

何況一心聽 解說其義趣 如說而修行

其福不可限

一心修行福見 次品

妙法蓮華經法師 功德品第十九

△二圓持功德 二 初叙意分科

170

180

190

170

前品隨喜暫持在五種法師方得其一未能一心
聽讀如說修行則功未圓也雖獲根智具足而未
及六千之報則德未圓也此品行人五種功備六
千德圓堪爲模範故命品謂之法師而爲圓持功
德前法師品依持經人以彰圓記此法師品依持
經人以彰圓德名同義別故加功德字別焉

△二依科釋文二 初總標

爾時佛告常精進菩薩摩訶薩若善男子善女人受
持是法華經若讀若誦若解說若書寫是人當得八
百眼功德千二百耳功德八百鼻功德千二百舌功
德八百身功德千二百意功德以是功德莊嚴六根
皆令清淨

持法華者開佛知見則見聞覺知無非真覺證諸
實相則色香味觸無非真法以真覺對真法則萬
象徹照大千一視故圓持功成卽得六根清淨功
德自非精心不雜進道不倦未易能致故告常精
進菩薩也數有千二八百者衆生世界依器世界
而立以織妄爲界故有四方身相遇流故有三世
惟世與界二者相涉三世四方宛轉十二依十二
數流變三疊成千二百圓持功成每根各全其用

故有十二功德然復於中註定優劣以眼見前傍
而不及後鼻息出入關於中交身合能覺離不知
觸皆三分闕一故唯八百功德此乃權依世論數
量以顯妙用大略而已使由常眼對色而開佛知
見常耳聞聲而得其實相則衆塵不隔十方廓然
萬象莫逃大千圓照則十二八百之功無足論矣
如經云父母所生眼悉見三千界何復三分之闕
八百之劣耶故知此體本絕數量也

△二別釋六 初眼根二 初標叙

是善男子善女人父母所生清淨肉眼見於三千大

千世界內外所有山林河海下至阿鼻地獄上至有
頂亦見其中一切衆生及業因緣果報生處悉見悉
知

父母所生卽人人本具者清淨肉眼卽衆塵不隔
者衆塵不隔則正智現前故大千內外一切色像
悉見悉知所謂應眼時如千日萬象不能逃影質
者此也問理則然矣事若之何曰六湛圓明本所
功德現量如是但隨所證耳夫小羅漢見小千大
羅漢見大千辟支見百佛世界菩薩見百千佛界
如來見微塵國土非獨果體也阿那律陀不離父

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

母生身而能觀大千猶如掌內則其中一切烏乎
不見蓋塵消覺淨冥極則一夫何理然而事不然
哉楞嚴曰逆彼業流得循圓通與不圓根日劫相
倍卽不可徇於業流以不圓根而疑經之說也誠
知眼力如是則下之五根不假詳喻

△二重宣四 初勅聽

爾時世尊欲重宣此義而說偈言

若於大衆中 以無所畏心 說是法華經
汝聽其功德

△二頌德

是人得八百 功德殊勝眼 以是莊嚴故
其目甚清淨

△三頌功

父母所生眼 悉見三千界 內外彌樓山
須彌及鐵圍 幷諸餘山林 大海江河水
下至阿鼻獄 上至有頂處 其中諸衆生

一切皆悉見

彌樓此云光明卽七金山之一也清淨肉眼有生
皆具凡能開佛知見證諸實相則大千一切莫不
歷然此其現量也以迹明之人人知見若離前塵

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

本無限礙且日月之高太虛之遠不知其幾千萬里苟無所蔽目能見之而意之所緣其疾俛仰之間再撫四海之外非假賢智凡人能之則六根之用廣大靈通固如是也

△四結顯

雖未得天眼 肉眼力如是

△二耳根四 初標德

復次常精進若善男子善女人受持此經若讀若誦若解說若書寫得千二百耳功德

△二叙功二 初總舉

以是清淨耳聞三千大千世界下至阿鼻地獄上至有頂其中內外種種語言音聲

六湛實相在眼圓照在耳圓通

△二別明七 初襍類

象聲馬聲牛聲車聲啼哭聲愁歎聲螺聲鼓聲鍾聲鈴聲笑聲語聲

△二六對

男聲女聲童子聲童女聲非法聲苦聲樂聲凡夫聲聖人聲喜聲不喜聲
循道合理名法無道無義名非法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△三八部

天聲龍聲夜叉聲乾闥婆聲阿修羅聲迦樓羅聲緊
那羅聲摩睺羅伽聲

△四三災

火聲水聲風聲

△五三惡

地獄聲畜生聲餓鬼聲

△六二衆

比丘聲比丘尼聲

△七四聖

聲聞聲辟支佛聲菩薩聲佛聲

△三結勝

以要言之三千大千世界中一切内外所有諸聲雖
未得天耳以父母所生清淨常耳皆悉聞知如是分
別種種音聲而不壞耳根

信謂應耳時如幽谷大小音聲無不足也不壞耳
根者雖分別種種而耳根於中本相如故無壞無
襍此耳之實相也

△四重頌三 初頌德

爾時世尊欲重宣此義而說偈言

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

父母所生耳 清淨無濁穢
言父母所生明人人本具不假他求清淨無穢卽
衆塵不隔無壞無襍者

△二叙功

以此常耳聞	三千世界聲	象馬車牛聲
鍾鈴螺鼓聲	琴瑟箜篌聲	簫笛之音聲
清淨好歌聲	聽之而不著	無數種人聲
聞悉能解了	又聞諸天聲	微妙之歌音
及聞男女聲	童子童女聲	山川嶮谷中
迦陵頻伽聲	命命等諸鳥	悉聞其音聲
地獄衆苦痛	種種楚毒聲	餓鬼饑渴逼
求索飲食聲	諸阿修羅等	居在大海邊
自共言語時	出於大音聲	如是說法者
安住於此間	遙聞是衆聲	而不壞耳根
十方世界中	禽獸鳴相呼	其說法之人
於此悉聞之	其諸梵天上	光音及徧淨
乃至有頂天	言語之音聲	法師住於此
悉皆得聞之	一切比丘衆	及諸比丘尼
若讀誦經典	若爲他人說	法師住於此
悉皆得聞之	讀誦於經法	

若爲他人說 撰集解其義 如是諸音聲
悉皆得聞之 諸佛大聖尊 教化衆生者
於諸大衆中 演說微妙法 持此法華者
悉皆得聞之

頌襍類六對至二衆四聖七科也 聽而不著爲與
響等故能清淨也 命命卽共命

△三結勝

三千大千界 內外諸音聲 下至阿鼻獄
上至有頂天 皆聞其音聲 而不壞耳根
其耳聰利故 悉能分別知 持是法華者

雖未得天耳 但用所生耳 功德已如是

△三鼻根三 初標德

復次常精進若善男子善女人受持是經若讀若誦
若解說若書寫成就八百鼻功德

△二叙功三 初總舉

以是清淨鼻根聞於三千大千世界上下內外種種
諸香

清淨言衆塵不隔湛圓故大千俱聞

△二別明三 初人聞香二 初妙

須曼那華香闍提華香末利華香瞻葛華香波羅羅

華香赤蓮華香青蓮華香白蓮華香華樹香菓樹香
旃檀香沉水香多摩羅跋香多伽羅香及千萬種和
香若抹若丸若塗香持是經者於此間住悉能分別
須曼那此云善稱意蘆葛此云黃花小而香波羅

羅云薰華多摩羅跋云賢無垢香多伽羅木香也

△二麤

又復別知衆生之香象香馬香牛羊等香男香女香
童子香童女香及草木叢林香若近若遠所有諸香
悉皆得聞分別不錯

△二天上香二 初外香

持是經者雖住於此亦聞天上諸天之香波利質多
羅拘鞞陁羅樹香及曼陁羅華香摩訶曼陁羅華香
曼殊沙華香摩訶曼殊沙華香栴檀沉水種種抹香
諸裸華香如是等天香和合所出之香無不聞知

波利質多羅卽帝釋員生樹拘鞞陁羅云大遊戲
地樹

△二身香

又聞諸天身香釋提桓因在勝殿上五欲娛樂嬉戲
時香若在妙法堂上爲忉利諸天說法時香若於諸
園遊戲時香及餘天等男女身香皆悉遙聞如是展

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

轉乃至梵世上至有頂諸天身香亦皆聞之并聞諸天所燒之香

△三四聖香

及聲聞香辟支佛香菩薩香諸佛身香亦皆遙聞知其所在

△三結勝

雖聞此香然於鼻根不壞不錯若欲分別爲他人說憶念不謬

不壞不錯言無壞無襍也華嚴齋香長者善能別知天人龍鬼所有諸香治諸病香斷諸惡香乃至

一切菩薩老子地位香悉皆了達得調和香法門表於善惡薰習之法一切通達而調治和融以成萬德法身香也今鼻根功德能知天上人間諸香乃至菩薩諸佛身香亦表持法華者能通達異習和融衆妙而證萬德法身之香歟

△三重頌四

初總頌

爾時世尊欲重宣此義而說偈言

是人鼻清淨 於此世界中 若香若臭物種種悉聞知

△二別明二

初人間香

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

- 須曼那闍提 多摩羅栴檀 沉水及桂香
種種華菓香 及知衆生香 男子女人香
說法者遠住 聞香知所在 大勢轉輪王
小轉輪及子 羣臣諸宮人 聞香知所在
身所著珍寶 及地中寶藏 轉輪王寶女
聞香知所在 諸人嚴身具 衣服及瓔珞
種種所塗香 聞香知其身
輪王七寶女寶居一
- △二天上香
- 諸天若行坐 遊戲及神變 持是法華者
聞香悉能知 諸樹華果實 及蘇油香氣
持經者住此 悉知其所在
- △三廣明三 初廣人間香
- 諸山深嶮處 梅檀樹華敷 衆生在中者
聞香皆能知 鐵圍山大海 地中諸衆生
持經者聞香 悉知其所在 阿修羅男女
及其諸眷屬 鬪諍遊戲時 聞香皆能知
曠野嶮隘處 師子象虎狼 野牛水牛等
聞香知所在 若有懷妊者 未辨其男女
無根及非人 聞香悉能知 以聞香力故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

知其初懷姪 成就不成就 安樂產福子
 以聞香力故 知男女所念 漲欲癡恚心
 亦知修善者 地中衆伏藏 金銀諸珍寶
 銅器之所盛 聞香悉能知 種種諸縷珞
 無能識其價 聞香知貴賤 出處及所在

△二廣天上香

天上諸華等 曼陀曼殊沙 波利質多樹
 聞香悉能知 天上諸宮殿 上中下差別
 衆寶華莊嚴 聞香悉能知 天園林勝殿
 諸觀妙法堂 在中而娛樂 聞香悉能知

諸天若聽法 或受五欲時 來往行坐臥

聞香悉能知 天女所著衣 好華香莊嚴

周旋遊戲時 聞香悉能知 如是展轉上

乃至於梵世 入禪出禪者 聞香悉能知

光音徧淨天 乃至於有頂 初生及退沒

聞香悉能知

所觀遠達曰觀如所謂諸臺樓觀也如是展轉上
 者自六欲天而上也梵世卽初禪光音二禪徧淨
 三禪有頂卽色界頂也

△三廣四聖香

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

諸比丘衆等 於法常精進 若坐若經行
及讀誦經典 或在林樹下 專精而坐禪
持經者聞香 悉知其所在 菩薩志堅固
坐禪若讀誦 或爲人說法 聞香悉能知
在在方世尊 一切所恭敬 懈衆而說法
聞香悉能知 衆生在佛前 聞經皆歡喜

如法而修行 聞香悉能知

比丘兼聲聞辟支也在在方謂十方所在

△四結頌

雖未得菩薩 無漏法生鼻 而是持經者
先得此鼻相

菩薩離分段身則六根皆依無漏法生故鼻身意
皆言無漏

△四舌根三 初總標

復次常精進若善男子善女人受持是經若讀若誦
若解說若書寫得千二百舌功德

△二別明二 初辨味

若好若醜若美不美及諸苦澁物在其舌根皆變成
上味如天甘露無不美者
好醜苦澁皆屬妄塵於此無染得清淨舌則苦澁

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

美惡皆成法味

△二說法二 初能說

若以舌根於大衆中有所演說出深妙聲能入其心
皆令歡喜快樂

△二感致四 初諸天

又諸天子天女釋梵諸天聞是深妙音聲有所演說
言論次第皆悉來聽

△二八部

及諸龍龍女夜叉夜叉乾闥婆乾闥婆女阿修羅
阿修羅女迦樓羅迦樓羅女緊那羅緊那羅女摩睺
羅伽摩睺羅伽女爲聽法故皆來親近恭敬供養

△三五衆

及比丘比丘尼優婆塞優婆夷國王王子羣臣眷屬
小轉輪王大轉輪王七寶千子内外眷屬乘其宮殿
俱來聽法以是菩薩善說法故婆羅門居士國內人
民盡其形壽隨侍供養

四輪王生時各有金銀銅鐵之輪現於空中自有
七寶曰輪寶象寶馬寶珠寶女寶藏寶兵寶又有
千子端正勇健

△四四聖

又諸聲聞辟支佛菩薩諸佛常樂見之是人所在方面諸佛皆向其處說法悉能受持一切佛法又能出於深妙法音

△三重頌二 初頌辨味

爾時世尊欲重宣此義而說偈言

是人舌根淨 終不受惡味 其有所食噉悉皆成甘露

好醜苦澁皆爲法味

△二頌說法二 初頌能說

以深淨妙聲 於大衆說法 以諸因緣喻

引導衆生心 聞者皆歡喜 設諸上供養

△二頌感致

諸天龍夜叉 及阿修羅等 皆以恭敬心

而共來聽法 是說法之人 若欲以妙音

徧滿三千界 隨意卽能至 大小轉輪王

及千子眷屬 合掌恭敬心 常來聽受法

諸天龍夜叉 羅刹毗舍闍 亦以歡喜心

常樂來供養 梵天王魔王 自在大自在

如是諸天衆 常來至其所 諸佛及弟子

聞其說法音 常念而守護 或時爲現身

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△五身根三 初總標

復次常精進若善男子善女人受持是經若讀若誦若解說若書寫得八百身功德

△二別明一 初瑩淨

得清淨身如淨琉璃衆生喜見

於是體中能如琉璃不容纖翳則孰不喜見

△二應現三 初生死報應

其身淨故三千大千世界衆生生時死時上下好醜生善處惡處悉於中現

淨言不爲情塵染蔽也不以情塵自蔽則當體無所不現

△二三界形色

及鐵圍山大鐵圍山彌樓山摩訶彌樓山等諸山及其中衆生悉於中現下至阿鼻地獄上至有頂所有及衆生悉於中現

△三四聖體用

若聲聞辟支佛菩薩諸佛說法皆於身中現其色像楞嚴云浮塵幻化虛妄稱相妙覺明體常自瑩然含吐十方循業發現故得是體者無所不現雖然理則明矣孰能證耶昔者阿難大衆蒙佛開示身

170

180

190

123456789

心蕩然得無是礙各各自知心徧十方含容萬有
反觀父母所生之身如太虛一塵巨海一漚起滅
無從了然不疑此其證也

△三重頌三 初頌瑩淨

爾時世尊欲重宣此義而說何言
若持法華者 其身甚清淨 如彼淨琉璃
衆生皆喜見

△二頌應現四 初頌總相

又如淨明鏡 悉見諸色像 菩薩於淨身
皆見世所有 唯獨自明了 餘人所不見

常自瑩然含吐十方餘人不見爲非已智分

△二頌生死報應

三千世界中 一切諸羣萌 天人阿修羅
地獄鬼畜生 如是諸色像 皆於身中現

△三頌三界形色

諸天等宮殿 乃至於有頂 鐵圍及彌樓
摩訶彌樓山 諸大海水等 皆於身中現

△四頌四聖體用

諸佛及聲聞 佛子菩薩等 若獨若在衆
說法悉皆現

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△三頌結前

雖未得無漏 法性之妙身 以清淨常體

一切於中現

無漏性身離於分段而常體不離分段唯清淨故能現一切嘗觀毗盧十法界圖見其相而不明其義誦法華身根功德聞其義而不達其相今以二法合明則妙相深義觸處昭然矣

△六意根四

初總標

復次常精進若善男子善女人如來滅後受持是經若讀若誦若解說若書寫得十二百意功德

△二別明三 初深達

以是清淨意根乃至聞一偈一句通達無量無邊之義

聞一句而達無量義蓋無量之義不出一句

△二圓說

解是義已能演說一句一偈至於一月四月乃至一歲諸所說法隨其義趣皆與實相不相違背若說俗間經書治世語言資生業等皆順正法

或一月一際一歲而演一句偈由意根精了達無量義也九旬談妙蓋得諸此西天歲分三際謂雨

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

際熱際寒際四月卽一際也證意實相則諸所說法無非實相故不相違背雖說俗事亦順正法

△三知機

三千大千世界六趣衆生心之所行心所動作心所戲論皆悉知之

由意清淨故他心通也所行卽循常心也動作卽感變心也戲論卽分別心也

△三結顯

雖未得無漏智慧而其意根清淨如此是人有所思惟籌量言說皆是佛法無不真實亦是先佛經中所說

說

爲得意根清淨實相與佛同體故

△四重頌三 初頌總標
爾時世尊欲重宣此義而說偈言

是人意清淨 明利無濁穢 以此妙意根

知上中下法

上中下卽三乘法

△二頌別明三 初頌深達

乃至聞一偈 通達無量義

△二頌圓說

次第如法說 月四月至歲

卽一月四月乃至一歲

△三頌知機

是世界內外 一切諸衆生 若天龍及人
夜叉鬼神等 其在六趣中 所念若干種
持法華之報 一切皆悉知

△三頌結顯

十方無數佛 百福莊嚴相 爲衆生說法
悉聞能受持 思惟無量義 說法亦無量
終始不忘錯 以持法華故 悉知諸法相

隨義識次第 達名字語言 如所知演說

此人有所說 皆是先佛法 以演此法故
於衆無所畏

頌淨意運用冥契實相也

持法華經者 意根淨若斯 雖未得無漏
先有如是相

結顯根勝也

是人持此經 安住希有地 爲一切衆生
歡喜而愛敬 能以千萬種 善巧之語言
分別而說法 持法華經故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

結顯經勝也此經純談諸法實相開佛知見故於六根功德一一發明儻能脫去情塵以清淨根照清淨境遂見山林周匝禽獸鳴呼饌鼻沾唇殊形異意無非實相無非妙法卽一身而圓證徧六處而常彰本不欠虧曾無窒礙經文方便駢旁開示行人應須克擴悟入也

妙灑蓮華經解卷第六之一

音切

舉

以諸
切

塞

起延
之忍

貽

口淮
切

罔

口支
切

薰

口昌
切

匱

特許
切

禮部主事安成曾鳳儀施賈此
道標對真州贈之是書上元許一科刻
萬曆辛卯春五臺山妙德齋識

妙灑蓮華經解卷第六之二

溫陵開元蓮寺比丘戒環解

妙灑蓮華經常不輕菩薩品第二十

△三精持廣利二 初略叙標舉

常不輕者釋迦前身威音王時精持妙法廣施利導之迹也以佛性義徧記四衆於善則拜逢恚不然一切見敬故號不輕不專讀誦以持無相經確忍罵辱以持無我行無相無我所謂精持也於萬億歲廣說是經化萬億衆令住正道使上慢者信伏隨從使卑罪者還得道果所謂廣利也蓋前之

170

180

190

持經具五種功雖圓而未精前之蒙利獲六千德
雖勝而未廣以有人法之緣影存焉必漸造於無
相無我之妙其於讀誦不知所專不知所忘其於
四衆不知所敬不知所慢使妙行偏彰億衆自化
敬慢之心罪福之迹凡所謂人法緣影者皆潛然
於正徧正等之域然後爲精廣茲實持經之盡道
也故勸持之文終於此品

△二依文正釋五 初牒前持毀

爾時佛告得大勢菩薩摩訶薩汝今當知若比丘比
丘尼優婆塞優婆夷持法華經者若有惡口罵詈誹
謗獲大罪報如前所說其所得功德如向所說眼耳
鼻舌身意清淨

謗毀之罪如喻品末與法師品說聞持之福如法
師功德品說將顯精持先舉此者所以警衆使知
持毀之報不謬而深信精持廣利也得大勢即大
勢至也

△二精持遠因六 初所師之佛

得大勢乃往古昔過無量無邊不可思議阿僧祇劫
有佛名威音王如來應供正徧知明行足善逝世間
解無上士調御丈夫天人師佛世尊劫名離衰國名

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大成

絲歷往古事千億佛無相無我精持廣利非具法
力大勢難勝其任故告得大勢菩薩也威音王者
以大音聲普偏世界爲諸法王說法無畏也故不
輕既得其道卽能於衆說法心無所畏劫名離衰
謂世道交興國名大成言正化無缺

其威音王佛於彼世中爲天人阿修羅說法爲求聲
聞者說應四諦法度生老病死究竟涅槃爲求辟支
佛者說應十二因緣法爲諸菩薩因阿耨多羅三藐
三菩提說應六波羅蜜法究竟佛慧

此叙威音亦說三乘也因阿耨菩提者因無上道
爲說六度使由是而趣證菩提究竟佛慧

得大勢是威音王佛壽四十萬億那由他恒河沙劫
正法住世劫數如一閻浮提微塵像法住世劫數如
四天下微塵其佛饒益衆生已然後滅度正法像法
滅盡之後於此國土復有佛出亦號威音王如來應
供正徧知明行足善逝世間解無上士調御丈夫夫天
人師佛世尊如是次第有二萬億佛皆同一號
佛明釋迦往因之曠遠也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△二發迹之時

最初威音王如來既已滅度正法滅後於像法中增上慢比丘有大勢力爾時有一菩薩比丘名常不輕△三釋名彰行四初平等行

得大勢以何因緣名常不輕是比丘凡有所見若比丘比丘尼優婆塞優婆夷皆悉禮拜讚歎而作是言我深敬汝等不敢輕慢所以者何汝等皆行菩薩道當得作佛

此以佛性義偏記四衆也四衆容行不等而不輕以佛性等之故皆悉禮拜深敬以謂皆行菩薩道皆當作佛蓋衆生佛性本自圓成世間業行皆順正法凡能觀一切行皆菩薩道知一切人皆當作佛夫何輕慢之有

△二無相行

而是比丘不專讀誦經典但行禮拜乃至遠見四衆亦復故往禮拜讚歎而作是言我不敢輕於汝等汝等皆當作佛

△三無我行

此持無相經行無相行也

170

180

190

比丘從何所來自言我不輕汝而與我等授記當得作佛我等不用如是虛妄授記如此經歷多年常被罵詈不生嗔恚常作是言汝當作佛說是語時衆人或以杖木瓦石而打擲之避走遠住猶高聲唱言我不敢輕於汝等汝等皆當作佛

歷年罵詈不生嗔恚是真無我也衆生癡迷不能自信故以記爲妄授菩薩大悲不捨救度故避走之際猶切示之

△四雙結名行

以其常作是語故增上慢比丘比丘尼優婆塞優婆夷號之爲常不輕

△四聞持

是比丘臨欲終時於虛空中具聞威音王佛先所說法華經二十千萬億偈悉能受持卽得如上眼根清淨耳鼻舌身意根清淨得是六根清淨已更增壽命二百萬億那由他歲廣爲人說是法華經

始則不專讀誦而終能聞持多偈增億萬壽廣爲人說者由其無相無我緣影俱亾故神智真明慧命不夭而冥契若此也威音雖滅法音不滅故先所說經可以具聞然於空中聞者示使忘能所絕

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

影像然後能具此法故得二十千萬億偈也以能所忘影像絕故卽得六根清淨功德也前舉六根功德方明所證之法今舉不輕乃示能證之人

△五利導

於時增上慢四衆比丘比丘尼優婆塞優婆夷輕賤是人爲作不輕名者見其得大神通力樂說辨力大善寂力聞其所說皆信伏隨從是菩薩復化千萬億衆令住阿耨多羅三藐三菩提

四衆見聞信伏隨從所謂妙行徧彰億衆自化也大神通力卽具聞益壽是也樂說辨力卽億歲廣說是也大善寂力卽六根清淨真常功德是也

△六積德

命終之後得值二千億佛皆號日月燈明於其法中說是法華經以是因緣復值二千億佛同號雲自在燈王於此諸佛法中受持讀誦爲諸四衆說此經典故得是常眼清淨耳鼻舌身意諸根清淨於四衆中說法心無所畏得大勢是常不輕菩薩摩訶薩供養如是若干諸佛恭敬尊重讚歎種諸善根於後復值千萬億佛亦於諸佛法中說是經典功德成就當得作佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

引威音王日月燈雲自在意明不輕積德致道宣
布法華源流之遠也要使說是經則如威音王得
大無畏明是道則如日月燈相繼無窮布是利則
如雲自在潤覆無極凡精持廣利期造乎此

△三顯示今緣二 初不輕

得大勢於意云何爾時常不輕菩薩豈異人乎則我
身是若我於宿世不受持讀誦此經爲他人說者不
能疾得阿耨多羅三藐三菩提我於先佛所受持讀
誦此經爲人說故疾得阿耨多羅三藐三菩提

此明精持成已之道以致今日其道愈光

得大勢彼時四衆比丘比丘尼優婆塞優婆夷以瞋
恚意輕賤我故二百億劫常不值佛不聞法不見僧
千劫於阿鼻地獄受大苦惱畢是罪已復遇常不輕
菩薩教化阿耨多羅三藐三菩提

此明廣利成人之德雖歷惡緣其利不失

△二衆會

得大勢於汝意云何爾時四衆常輕是菩薩者豈異
人乎今此會中跋陀婆羅等五百菩薩師子月等五
百比丘尼思佛等五百優婆塞皆於阿耨多羅三藐
三菩提不退轉者是

撰述

五法道場經卷之二

此文漏闕句義不分合依正法華云師子月等五百比丘比丘尼又加優婆夷乃成四衆正法華云五百清信士五百清信女

△四結顯勸持

得大勢當知是法華經大饒益諸菩薩摩訶薩能令至於阿耨多羅三藐三菩提是故諸菩薩摩訶薩於如來滅後常應受持讀誦解說書寫是經

結顯廣利勸令精持也

△五以偈重宣三初頌精持遠因

爾時世尊欲重宣此義而說偈言

過去有佛 號威音王 神智無量

將導一切

天人龍神 所共供養

是佛滅後

法欲盡時

名常不輕

時諸四衆

不輕菩薩

往到其所

我不輕汝

汝等行道

諸人聞已

輕毀罵詈

能忍受之

其罪畢已

得聞此經

六根清淨

增益壽命

復爲諸人

廣說是經

諸著法衆 皆蒙菩薩 教化成就
 令住佛道 不輕命終 值無數佛
 說是經故 得無量福 漸具功德
 疾成佛道

將導者後曰將前曰導言威音以神智妙力前後
 導達羣生使趨於道也計著於法謂拘墟東教迷
 佛性義也其罪畢已等者謂慢衆畢是罪已復遇
 不輕臨終聞經而教化成就也不輕命終值無數
 佛卽日月燈雲自在等

△二頌顯示今緣

彼時不輕 則我身是 時四部衆

著法之者

聞不輕言

汝當作佛

以是因緣

值無數佛

此會菩薩

五百之衆

并及四部

清信士女

今於我前

聽法者是

△三頌結顯勸持

我於前世

勸是諸人

聽受斯經

第一之法

開示教人

令住涅槃

世世受持

如是經典

結顯廣利也令住涅槃謂令得真常道果也

110123456789180123456789190123456789

億億萬劫 至不可議 時乃得聞
是法華經 億億萬劫 至不可議
諸佛世尊 時說是經 是故行者
於佛滅後 聞如是經 勿生疑惑
應當一心 廣說此經 世世值佛
疾成佛道

勸令精持也以億劫乃聞億劫乃說故當生難值
想而深信精持以成就佛道也顯妙勸持文終於
前智境而終於普賢常行故名常然大用
妙法蓮華經如來神力品第二十一

△二依科別釋八 初發起流通二 初叙義

正宗既終意將傳付利澤萬世是以菩薩伸請如
來卽現神力嘉讚經德以發起羣心使廣流布故
名如來神力品而爲發起流通也

△二釋文四 初菩薩伸請

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爾時千世界微塵等菩薩摩訶薩從地涌出者皆於佛前一心合掌瞻仰尊顏而白佛言世尊我等於佛滅後世尊分身所在國土滅度之處當廣說此經所以者何我等亦自欲得是真淨大法受持讀誦解說書寫而供養之

卽涌出品佛所化衆於前顯迹勸持於此伸請流通也廣說卽利他受持卽自利

△二神力嘉讚二 初神力顯勝六 初現舌放光

爾時世尊於文殊師利等無量百千萬億舊住娑婆世界菩薩摩訶薩及諸比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等一切衆前現大神力出廣長舌上至梵世一切毛孔放於無量無數色光皆悉徧照十方世界出廣長舌上至梵世者現辨說之神力也放無量光徧照十方者現智照之神力也將讚經德先現神力始自出舌放光以至震動諸天通達佛土終乃結云若以如是神力於億萬劫說此經德猶不能盡者極顯斯經勝妙也如來神力乃法界體中無作妙用華嚴云幻師之幻法能現種種事修羅

變作身齊等須彌山龍王瞬息雨悅澤徧天下彼具貪嗔癡神力尚如是何況法界慧具足自在力然則舌至梵世光徧十方特法界慧中一微用耳舊住菩薩卽在此娑婆下方住者梵世卽初禪天衆寶樹下師子座上諸佛亦復如是出廣長舌放無量光釋迦牟尼佛及寶樹下諸佛現神力時滿百千歲然後還攝舌相

此釋迦分身諸佛亦以同道助發

△二現聲震動

一時聲歎俱共彈指是二音聲徧至十方諸佛世界

地皆六種震動

於數寸之舌現至梵世一會之頃現百千歲又一
聲歎彈指而其聲能徧十方震大地皆顯神力勝
妙也

△三假彼通力

其中衆生天龍夜叉乾闥婆阿修羅迦樓羅緊那羅
摩睺羅伽人非人等以佛神力故皆見此娑婆世界
無量無邊百千萬億衆寶樹下師子座上諸佛及見
釋迦牟尼佛共多寶如來在寶塔中坐師子座又見
無量無邊百千萬億菩薩摩訶薩及諸四衆恭敬圍

170

180

190

繞釋迦牟尼佛既見是已皆大歡喜得未曾有
十方異界衆生凝心而能見此娑婆佛事乃因佛
神力假彼通力蓋顯勝妙也

△四諸天歸依

卽時諸天於虛空中高聲唱言過此無量無邊百千
萬億阿僧祇世界有國名娑婆是中有佛名釋迦牟
尼今爲諸菩薩摩訶薩說大乘經名妙法蓮華教菩
薩法佛所護念汝等當深心隨喜亦當禮拜供養釋
迦牟尼佛彼諸衆生聞虛空中聲已合掌向娑婆世
界作如是言南無釋迦牟尼佛南無釋迦牟尼佛以
種種華香纓珞幡蓋及諸嚴身之具珍寶妙物皆共
遙散娑婆世界

此皆神力或使

△五合異達礙

所散諸物從十方來譬如雲集變成寶帳徧覆此間
諸佛之上於時十方世界通達無礙如一佛土

此又神力變現

△六結顯經德

爾時佛告上行等菩薩大衆諸佛神力如是無量無
邊不可思議若我以是神力於無量無邊百千萬億

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

阿僧祇劫爲囑累故說此經功德猶不能盡
上行卽涌出衆首也舌相之廣身光之遠一警欵
一彈指而能動六震感諸天以至合異達礙則神
力可謂至大而不能說盡經德者如來一切深妙
功德盡萃此經不可勝窮故也

△二嘉讚秘妙

以要言之如來一切所有之法如來一切自在神力
如來一切祕要之藏如來一切甚深之事皆於此經
宣示顯說

所有之法卽道場所得者自在神力卽稱性示現
者祕要之藏卽法之不可示者甚深之事卽心之
不可傳者皆於此經盡之所以功莫盡說也

△三正發流通

是故汝等於如來滅後應一心受持讀誦解說書寫
如說修行所在國土若有受持讀誦解說書寫如說
修行若經卷所住之處若於園中若於林中若於樹
下若於僧坊若白衣舍若在殿堂若山谷曠野是中
皆應起塔供養所以者何當知是處卽是道場諸佛
於此得阿耨多羅三藐三菩提諸佛於此轉於法輪
諸佛於此而般涅槃

170

180

190

123456789

123456789

123456789

當知是處已下明諸佛修證始終不離此法故所
在之處皆應欽奉

△四以偈重宣三初頌神力顯勝

爾時世尊欲重宣此義而說偈言

諸佛救世者 住於大神通 爲悅衆生故
現無量神力 舌相至梵天 身放無數光
爲求佛道者 現此希有事 諸佛聲歎聲
及彈指之聲 周聞十方國 地皆六種動
頌現舌放光現聲震動

以佛滅度後 能持是經故 諸佛皆歡喜

現無量神力 嘴累是經故 讚美受持者
於無量劫中 猶故不能盡 是人之功德
無邊無有窮 如十方虛空 不可得邊際

頌結顯經德

△二頌嘉讚祕妙

能持是經者 則爲已見我 亦見多寶佛
及諸分身者 又見我今日 教化諸菩薩
成佛之道分身之理教化之法皆不離此

△三頌正發流通

能持是經者 令我及分身 滅度多寶佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

妙法蓮華經卷第十二

五

選

一切皆歡喜 十方現在佛 幷過去未來
亦見亦供養 亦令得歡喜

道得其傳稱佛心故

諸佛坐道場 所得祕要法 能持是經者
不久亦當得 能持是經者 於諸法之義
名字及言詞 樂說無窮盡 如風於空中
一切無障礙

能持是經則一切徹了左右逢原復何障礙

於如來滅後 知佛所說經 因緣及次第

隨義如實說 如日月光明 能除諸幽暝

斯人行世間 能滅衆生暗 教無量菩薩
畢竟住一乘

上皆讚發流通之德也下結勸

是故有智者 聞此功德利 於我滅度後
應受持斯經 是人於佛道 決定無有疑
妙法蓮華經屬累品第二十二

△二付授流通二 初標叙

以言托之曰囑以法系之曰累欲使傳續妙法利
達無窮故曰囑累而爲付授流通也然法會未終
遽說囑累者此經以智立體以行成德前之開佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

知見明一大事立體之法既備故說囑累以明佛
佛授手之要止此而已後之以行成德者唯體前
法推而行之更無別法既無別法則於此囑累宜
矣華嚴有三十九品敷列修進至等覺位終如來
出現品纔三十七遂卽囑累流通而後說普賢常
行及善財南遊二品亦以前法既備後唯躡前以
成行德更無別法故也又前彰智境所以簡情顯
解後示行境欲其解終趨行故於此辨焉所謂行
境者無復簡顯無復情解唯全體運用之而已觀
曰若不洞明前解無以躡成後行又須忘絕前解
然後能入行境是故行由解成行起解絕則後之
行境非言所及非解所到亦非囑累所能相授矣
學者當進乎此闍那笈多後翻此經移囑累置卷
末失華嚴之旨矣

△二釋文六 初世尊囑累

爾時釋迦牟尼佛從法座起現大神力以右手摩無
量菩薩摩訶薩頂而作是言我於無量百千萬億阿
僧祇劫修習是難得阿耨多羅三藐三菩提法今以
付囑汝等汝等應當一心流布此法廣令增益如是
三摩諸菩薩摩訶薩頂而作是言我於無量百千萬

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

億阿僧祇劫修習是難得阿耨多羅三藐三菩提法
今以付囑汝等汝等當受持讀誦廣宣此法令一切
衆生普得聞知

再三摩頂示諱勤也首楞嚴等諸祕密教謂之佛
頂表無上法諸佛授記付囑皆摩其頂表授無上
法也無量菩薩卽從地涌出者

△二示流通行

所以者何如來有大慈悲無諸慳惁亦無所畏能與
衆生佛之智慧如來智慧自然智慧如來是一切衆
生之大施主汝等亦應隨學如來之法勿生慳惁於
未來世若有善男子善女人信如來智慧者當爲演
說此法華經使得聞知爲令其人得佛慧故若有衆
生不信受者當於如來餘深妙法中示教利喜

所以令其廣宣此法者使學如來三行與諸衆生
施大法利也一大慈悲平等滋濟二無慳惁行
竭内外財三無所畏行不憚煩難如是乃能與諸
衆生三種智慧佛智離二乘見如來智離菩薩見
自然智離諸證取不由他悟通唯一乘實智也但
隨德用異稱耳信如來智慧謂能信種智趣向一
乘者當爲說是經令得佛慧而不滯二乘也餘深

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

妙法指權漸教也亦曰深妙者是法皆爲一佛乘
故

汝等若能如是則爲已報諸佛之恩

乃所謂將此深心奉塵刹也

△四時衆稟命

時諸菩薩摩訶薩聞佛作是說已皆大歡喜偏滿其
身益加恭敬曲躬低頭合掌向佛俱發聲言如世尊
勅當具奉行唯然世尊願不有慮諸菩薩摩訶薩衆
如是三反俱發聲言如世尊勅當具奉行唯然世尊

願不有慮

佛三囑以示勤衆三反以示敬

△五遣化畱塔

爾時釋迦牟尼佛令十方來諸分身佛各還本土而
作是言諸佛各隨所安多寶佛塔還可如故
令分身各還者示法得其傳化身遂隱畱寶塔如
故者以後說未周尚須圓證

△六衆得法喜

說是語時十方無量分身諸佛坐寶樹下師子座上
者及多寶佛并上行等無邊阿僧祇菩薩大衆舍利

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

弗等聲聞四衆及一切世間天人阿修羅等聞佛所說皆大歡喜

一喜遣化達隱顯之道二喜留塔得復聞之法妙灑蓮華經解卷第六之二

音切

斬

渠羈
切

濬

呼漬

太僕寺丞

寺丞華亭徐琰施賈刻此
妙法蓮華經解卷第六之二

嘉

興沙彌道

梅封

真州趙之昂書

金陵沈一龍刻
萬曆辛卯春五臺山妙德庵識

妙灑蓮華經解卷第六之三

溫陵開元蓮寺比丘戒環解

妙灑蓮華經藥王菩薩本事品第二十三

△三苦行流通二

初標叙

藥王昔爲喜見菩薩精苦爲法燒身然臂其於釋迦法中受持是經一切天人無如之者今示其本因使人跂慕共尊此道故名藥王本事而爲苦行流通卽宿王請問難行苦行是也竊觀此經以智立體以行成德前之智境所以遣情顯解後之行境欲其解終趨行如藥王之燒身妙音之隨應觀

撰述

妙法蓮華經角註卷之三

選用

音之普門妙嚴之轉邪普賢之勸發皆示實相行
境使人忘情絕解隨行悟入故說是藥王品時八
萬菩薩得解一切語言則以苦行成圓通之德也
說妙音品時華德菩薩得法華三昧則以妙行成
實相之德也說普門品時八萬之衆發無等等心
則以圓行成最上之德也及說陀羅尼品則六萬
八千人得無生法忍說莊嚴王品則八萬四千人
得法眼淨此又以神力正力助成德行乃至說勸
發品時沙數菩薩得旋陀羅尼塵數菩薩具普賢
道則以常行成不德之德也夫能底此則法華妙
行至矣盡矣故終會焉然始於苦行終於常行者
將欲以行成德非精心苦志無以深造故必精苦
而後造妙造妙而後能圓能圓而後真契普賢常
行亦教之序也

△二釋文十二 初宿王發問

爾時宿王華菩薩白佛言世尊藥王菩薩云何遊於
娑婆世界世尊是藥王菩薩有若干百千萬億那由
他難行苦行善哉世尊願少解說諸天龍神夜叉乾
闍婆阿修羅迦樓羅緊那羅摩曠羅伽人非人等又
他國土諸來菩薩及此聲聞衆聞皆歡喜

此品因宿王華發起者爲明宿世弘經自在之因

△二佛示往因三 初所師之佛

爾時佛告宿王華菩薩乃往過去無量恒河沙劫有
佛號日月淨明德如來應供正徧知明行足善逝世
間解無上士調御丈夫天人師佛世尊其佛有八十
億大菩薩摩訶薩七十二恒河沙大聲聞衆

智慧真光幽明並燭不爲物累故號日月淨明德
眷屬法侶三乘體具

佛壽四萬二千劫菩薩壽命亦等彼國無有女人地
獄餓鬼畜生阿修羅等及以諸難地平如掌琉璃所
成寶樹莊嚴寶帳覆上垂寶華幡寶瓶香爐周徧國
界七寶爲臺一樹一臺其樹去臺盡一箭道此諸寶
樹皆有菩薩聲聞而坐其下諸寶臺上各有百億諸
天作天伎樂歌歎於佛以爲供養

女有五障及四趣皆難報樹去臺一箭道言其陰
廣也

爾時彼佛爲一切衆生喜見菩薩及衆菩薩諸聲聞
衆說法華經

藥王尊經自此始

△二因經得道

是一切衆生喜見菩薩樂習苦行於日月淨明德佛法中精進經行一心求佛滿萬二千歲已得現一切色身三昧

精進一心滿萬二千歲而後得現一切色身者一切色身不離根塵中現所言滿萬二千歲卽依根塵十二處圓融互照至於功行滿足之時也圓融互照得其實相則知根根塵塵一切色法咸一實相所現由是以一實相融一切根塵於一根塵現一切色法交徹融攝重重無盡是名滿萬二千歲得現一切色身三昧此卽深證實相行境也華嚴多舉過量劫數直明以無限智悲修如是行曾無限量之心此經過量之數凡皆如之

△二苦行遵奉三初神力供養

得此三昧已心大歡喜卽作念言我得現一切色身三昧皆是得聞法華經力我今當供養日月淨明德佛及法華經卽時入是三昧於虛空中雨曼陀羅華摩訶曼陀羅華細末堅黑栴檀滿虛空中如雲而下又雨海此岓栴檀之香此香六銖價直娑婆世界以供養佛

此三昧香非人間比所以六銖價直娑婆也二十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

四銖爲一兩六銖言少分耳

△二然身供養

作是供養已從三昧起而自念言我雖以神力供養
於佛不如以身供養卽服諸香栴檀薰陸兜樓婆畢
力迦沈水膠香又飲薺葛諸華香油滿千二百歲已
香油塗身於日月淨明德佛前以天寶衣而自纏身
灌諸香油以神通力願而自然身光明徧照八十億
恒河沙世界其中諸佛同時讚言善哉善哉善男子
是真精進是名真法供養如來若以華香纓絡燒香
抹香塗香天繪幡蓋及海此峩栴檀之香如是等種
種諸物供養所不能及假使國城妻子布施亦所不
及善男子是名第一之施於諸施中最尊最上以法
供養諸如來故作是語已而各默然

神力所化不過外財財不及法故復然身作法供
養薰陸乳香也兜樓婆草香畢力迦丁香膠香松
香也卽服諸香又飲花油滿千二百歲表以妙德
妙行淨治根塵也香油外塗表內外俱淨也寶衣
纏身灌諸香油以神力然身光明徧照等表被忍
辱衣資妙行力以智慧火燭滅幻緣顯發真光照
明法界此皆顯示法力行境所以諸佛讚言是真

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

精進真法供養也彼華香繪幡之勝特外物耳國城妻子之重特愛緣耳非法供養故皆不及夫爲法不顧其身非特佛氏也至人得道皆能外形骸忘死生或喪之若遺土或喜之如決疣若楊雄不羨久生孔聖甘於夕歟凡以達本知常恃有不亾者存而斬脫乎塵垢患累故也而大聖又能固之以悲願濟之以神力故燒身然臂曾無憂吝世俗或駭其所爲在至人觀之與遺土決疣一而已亦以妙覺圓照離於身見得蘊空故乃能如是若識見未亾諸蘊違礙不達法行空慕其迹是徒增業苦爲妄作之凶矣十住斷結經云過去有女名提謂孤寡多難或告之曰今身之厄由前世之罪欲滅前罪莫若捨身有道人辨才曰先身罪業隨逐精神不與身合徒自燒身何於苦惱欲求善報故律制燒身然指悉皆得罪而大乘或聽許者以大乘之人法行備故非妄作故

其身必然千二百歲過是以後其身乃盡
直使六根六塵一切洞徹故千二百歲其身乃盡
△三後身供養四 初生處

一切衆生喜見菩薩作如是法供養已命終之後復

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

生日月淨明德佛國中於淨德王家結加趺坐忽然化生

三昧功成不爲身累生死去來猶如夜旦
卽爲其父而說偈言

大王今當知 我經行彼處 卽時得一切
現諸身三昧 勤行大精進 捨所愛之身
供養於世尊 爲求無上慧

叙前緣也

說是偈已而白父言日月淨明德佛今故現在我先
供養佛已得解一切衆生語言陀羅尼復聞是法華
經八百千萬億那由他甄迦羅頻婆羅阿闍婆等偈
大王我今當還供養此佛

先供佛已謂然身之後也於然身之後得陀羅尼
及聞萬億偈乃依法性身而得依法性土而聞也
由依性土而聞故有八百萬億等偈蓋亦稱性而
說也初聞經之後得現身三昧者由證得法身故
應物現形無非妙體也然身之後得語言總持者
由離諸相見故圓通衆音無非真說也體無非妙
則森羅萬象皆一切色身說無非真則雀噪鴟鳴
皆語言三昧非深證行境超情離見者何以與此

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

甄迦羅等卽俱舍論六十大數中第十六十八二十之數

△二再觀

白已卽坐七寶之臺上昇虛空高七多羅樹往到佛所頭面禮足合十指爪以偈讚佛

容顏甚奇妙 光明照十方

我適會供養

今復還親覲

叙往昔然身之緣也

爾時一切衆生喜見菩薩說是偈已而白佛言世尊世尊猶故在世

師資道合知其將化故發此問

爾時日月淨明德佛告一切衆生喜見菩薩善男子我涅槃時到滅盡時至汝可安施牀座我於今夜當般涅槃又勅一切衆生喜見菩薩善男子我以佛法囑累於汝及諸菩薩大弟子并阿耨多羅三藐三菩提亦以三千大千七寶世界諸寶樹寶臺及給侍流布廣設供養應起若干千塔如是日月淨明德佛勅一切衆生喜見菩薩已於夜後分入於涅槃
佛法通指三乘菩提法別指大乘菩薩弟子言法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

衆三千寶界言化境寶樹給侍言所御勅以舍利起塔者戒定餘勲欲霑無際故也若干者不定之數意任其緣力耳

△三供涅槃

爾時一切衆生喜見菩薩見佛滅度悲感懊惱戀慕於佛卽以海此岝崿檀爲積供養佛身而以燒之火滅已後收取舍利作八萬四千寶瓶以起八萬四千塔高三世界表利莊嚴垂諸幡蓋懸衆寶鈴

現滅不滅聖意所知而悲感戀慕者示與衆生同一悲仰耳須彌四海刹部居南言海此岝崿卽南岸

出美栴檀積之爲積以奉闍維示誠敬也佛說火化之法在已則顯三昧之力播薰練之功故化火自焚舍利逆透在人則掩臭腐之穢免蠻蟻之食使其魄不滯其神清升而此方以臥汎曠於荒郊埋廐骸於朽壤爲是且以火化爲不忍方其穴地負土全體而坑之爲可忍耶二皆出於不得已耳達者觀之一等歸盡則臥汎腐不若火化之愈矣自道觀之沈之可也露之可也衣薪而棄諸溝中袞文而納諸石槨無不可者奚足爲焚瘞之競

△四供舍利

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爾時一切衆生喜見菩薩復自念言我雖作是供養心猶未足我今當更供養舍利便語諸菩薩大弟子及天龍夜叉等一切大衆汝等當一心念我今供養日月淨明德佛舍利作是語已卽於八萬四千塔前燃百福莊嚴臂七萬二千歲而以供養令無數求聲聞衆無量阿僧祇人發阿耨多羅三藐三菩提心皆使得住現一切色身三昧

昔之然身爲離相見今復然臂爲除法執故令小乘離諸見執發正道心根境圓融故皆得住現身三昧也昔之求佛滿禹二千歲今之然臂復七倍其久者言益以無限智悲行菩薩大行如其智悲有限何足以化無數無量之人

爾時諸菩薩天人阿修羅等見其無臂憂惱悲哀而作是言此一切衆生喜見菩薩是我等師教化我者而今燒臂身不具足

愛見未忘故哀其不足此初心菩薩而已

於時一切衆生喜見菩薩於大衆中立此誓言我捨兩臂必當得佛金色之身若實不虛令我兩臂還復如故作是誓已自然還復由斯菩薩福德智慧淳厚所致

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

臂之於手爲辟能役衆指而我無所役則兩臂表
我執法執根本也我執能生煩惱續諸生歟法執
能生所知礙正知見捨一存一則爲二乘故捨兩
臂必當得佛還復如故者若果得佛卽無所捨矣
此非淺薄所能故稱淳厚

當爾之時三千大千世界六種震動天雨寶華一切
人天得未曾有

以非常之事感非常之瑞人天因是得大汰利也
上皆叙往因

△三結指今緣

佛告宿王華菩薩於汝意云何一切衆生喜見菩薩
豈異人乎今藥王菩薩是也其所捨身布施如是無
量百千萬億那由他數

此結答若干難行苦行之間

△四勸睇法行

宿王華若有發心欲得阿耨多羅三藐三菩提者能
然手指乃至足一指供養佛塔勝以國城妻子及三
千大千國土山林河池諸珍寶物而供養者

手足之指譬微細執著能障菩提故欲得菩提者
雖未能頓捨且欲微而損之亦勝有爲之福故曰

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

能然一指勝諸供養夫聖人言行動必有法非徒教末代然手足以求福也苟不明此殘形梵穢竟何益耶故藥王將欲然身且以法行淨治根塵使功行滿足然後以神通力化火自焚其光能照河沙佛界後人欲睇其迹如斯可矣

△五廣令尊奉

若復有人以七寶滿三千大千世界供養於佛及大菩薩辟支佛阿羅漢是人所得功德不如受持此法華經乃至一四句偈其福寔多

七寶供養其福有限一偈超悟非限量福

△六廣顯勝德十 初深大

宿王華譬如一切川流江河諸水之中海爲第一此法華經亦復如是於諸如來所說經中最爲深大川流江河已異於溝港而海爲深大如來所說已異於小乘而此爲第一

△二竄上

又如土山黑山小鐵圍山大鐵圍山及十寶山衆山之中須彌山爲第一此法華經亦復如是於諸經中最爲其上

環須彌之外有土山黑山而堅大不及鐵圍大海

之內有十寶山而貴高不及須彌土山黑山譬人乘天乘之經鐵山寶山譬二乘菩薩乘之經須彌則譬一乘之經故曰最上

△三 照明

又如衆星之中月天子最爲第一此法華經亦復如是於千萬億種諸經法中最爲照明

諸經設法爲破昏冥然微茫漸顯如星之照此經頓悟陰翳俱盡圓融廓徹如月之明

△四 除暗

又如日天子能除諸暗此經亦復如是能破一切不

善之闇

△五 日光出時不與冥合人得正智諸闇自除

△五 最尊

又如諸小王中轉輪聖王最爲第一此經亦復如是於諸經中最爲其尊

前言最上明部分此言最尊明威德

△六 統攝

又如帝釋於三十三天中王此經亦復如是諸經中王

三乘之教隨機稱尊不能相攝此經會三歸一爲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

諸經之正統

△七作怙

又如大梵天王一切衆生之父此經亦復如是一切賢聖學無學及發菩薩心者之父

大梵卽娑婆界主父言爲之依怙

△八乘勝

又如一切凡夫人中須陁洹斯陁含阿那含阿羅漢辟支佛爲第一此經亦復如是一切如來所說若菩薩所說若聲聞所說諸經法中最爲第一有能受持是經典者亦復如是於一切衆生中亦爲第一

四果未離凡位而支佛爲第一以根利故衆生未離凡夫而因經爲第一以乘勝故

△九增進

一切聲聞辟支佛中菩薩爲第一此經亦復如是於一切諸經法中最爲第一

前於凡夫推第一此於三乘推第一後於佛位推第一乃增進顯勝也

△十圓顯

如佛爲諸法王此經亦復如是諸經中王總而舉之以圓顯勝德也然顯經勝德只此可盡

而必引諸義者明妙法隨機在處皆勝故也

△七廣顯勝功三 初總標

宿王華此經能救一切衆生者此經能令一切衆生離諸苦惱此經能大饒益一切衆生克滿其願

△二喻明

如清涼池能滿一切諸渴乏者如寒者得火如裸者得衣如商人得主如子得母如渡得船如病得醫如暗得燈如貧得寶如民得王如賈客得海如炬除暗燈能發明未能除暗

△三合顯

此法華經亦復如是能令衆生離一切苦一切病痛能解一切生死之縛

衆生衆苦病痛縛著皆因迷妄能開佛知見則一切皆離

△八廣顯勝益五 初書持益

若人得聞此法華經若自書若使人書所得功德以佛智慧籌量多少不得其邊

△二供養益

若書是經卷華香纓珞燒香抹香塗香幡蓋衣服種種之燈酥燈油燈諸香油燈蘆葦膏油燈須曼那油燈

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

波羅羅油燈婆利師迦油燈那婆摩利油燈供養所
得功德亦復無量

蘆荀已下皆華名以此熏作香油

△三聞品益

宿王華若有人聞是藥王菩薩本事品者亦得無量
無邊功德若有女人聞是藥王菩薩本事品能受持
者盡是女身後不復受

爲正因故功德無邊女人能持可盡障漏

△四勤修益

若如來滅後後五百歲中若有女人聞是經典如說
修行於此命終卽往安樂世界阿彌陀佛大菩薩衆
圍遶住處生蓮華中寶座之上不復爲貪欲所惱亦
復不爲瞋恚愚癡所惱亦復不爲憍慢嫉妒諸垢所
惱

大集經云佛滅後初五百歲解脫堅固第二五百
歲禪定堅固第三多聞堅固第四福德堅固第五
鬪諍堅固卽後五百歲也。鬪諍堅固則善根難得
故雖女人可致勝福此就劣顯勝意兼男也。貪瞋
癡爲根本煩惱憍嫉等垢爲隨煩惱旣生安養所
依者淨業所會者善人故無垢惱也。

得菩薩神通無生法忍得是忍已眼根清淨以是清淨眼根見七百萬一千億那由他恒河沙等諸佛如來是時諸佛遙共讚言善哉善哉善男子汝能於釋迦牟尼佛法中受持讀誦思惟是經爲他人說所得福德無量無邊火不能焚水不能漂汝之功德千佛共說不能令盡

心浹俱寂而能照用名菩薩神通無生法忍心寂根淨故能見多佛華嚴十地菩薩功圓智滿心境交徹能見多百佛至多百千億那由他佛其意同此非有爲福故不能焚漂稱實相德故說不能盡汝今已能破諸魔賊壞生眾軍諸餘怨敵皆悉摧滅讚其所得法忍妙力也諸魔賊卽五陰煩惱等生眾軍卽無明六識等賊言侵害軍言攻擊餘怨卽隨情對境之惑業以得是忍故皆悉摧滅

善男子百千諸佛以神通力共守護汝於一切世間天人之中無如汝者唯除如來其諸聲聞辟支佛乃至菩薩智慧禪定無有與汝等者

上皆諸佛遙讚之言

宿王華此菩薩成就如是功德智慧之力
結勤修益也

△五隨喜益

若有人聞是藥王菩薩本事品能隨喜讚善者是人現世口中常出青蓮華香身毛孔中常出牛頭栴檀之香所得功德如上所說

一稱經名則蓮華出口一能隨喜則法香在身善種不亾功成自著如上者指隨喜品

△九結顯流布

是故宿王華以此藥王菩薩本事品囑累於汝我滅度後後五百歲中廣宣流布於閻浮提無令斷絕惡魔魔民諸天龍夜叉鳩槃茶等得其便也宿王華汝當以神通之力守護是經所以者何此經則爲閻浮提人病之良藥若人有病得聞是經病卽消滅不老不死

真知見力郤癡愛病是爲良藥也癡愛病除則生死緣斷頓證真常何復老死如般若智照能空五蘊度苦厄無老死是也

△十令敬持人

宿王華汝若見有受持是經者應以青蓮華盛滿末香供散其上散已作是念言此人不久必當取草坐於道場破諸魔軍當吹法螺擊大法鼓度脫一切衆

生老病死海是故求佛道者見有受持是經典人應當如是生恭敬心

蔽華作念等令生心如佛想也取草者佛成道時取吉祥草爲座

△十一聞品成行

說是藥王菩薩本事品時八萬四千菩薩得解一切衆生語言陀羅尼

喜見聞經卽得現身三昧及然身之後卽得語言總持爲證得法身離諸相見而洞契妙圓故也及其然臂則聲聞得住現身三昧今說本事則菩薩得解語言總持者蓋由悟其然身然臂之事不能離諸見執洞契妙圓此所謂以苦行成圓通之德也然皆得三昧又得總持者現身三昧隨類分形語言總持隨類說法二者益常相需而皆由妙法所證故說妙音品時諸菩薩衆亦得是三昧及陀羅尼

△十二多寶結讚

多寶如來於寶塔中讚宿王華菩薩言善哉善哉宿王華汝成就不可思議功德乃能問釋迦牟尼佛如此之事利益無量一切衆生

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

非宿曾成就聞持自在之德不能發起是利

妙灑蓮華經解卷第六之三

音切

跋

詰利
切

疣

羽求
切

蕡

子智
切

剗

以冉
切

逆

彼諍
切

淤

於去
壤

瘞

如掌
切

瘞

於計
切

晞

許機
切

港

古項
切

常熟邵昌鉅
妙法蓮華經解卷第六之三
真州趙之昂書
萬曆辛卯春五臺山妙德庵識

李喬新
嘉興沙彌道梅刻
上元盛文高刻

徐時舉共施貴刻此
游

切

淤

於去
壤

妙灑蓮華經解卷第七之一

溫陵開元蓮寺比丘戒環解

妙灑蓮華經妙音菩薩品第二十四

△四妙行流通二 初標敘科名

妙音者深體妙法能以妙音隨應演說而流通是道者也名雖妙音實彰妙行觀其往昔植因於雲雷音王佛所獻樂奉鉢斬狂妙音說法妙行隨應故報生宿智佛國果能有是神力今使學者體其妙行而隨應說法闡揚斯道故說妙音品爲妙行流通夫體妙音則不滯言詮能隨應則不局心迹

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不滯不局所以爲妙行也繼此復有圓行常行而
次前苦行說者將欲以行成德必精心苦志然後
造妙造妙然後能圓能圓然後真契普賢常行已
如前解

△二釋其文義九 初釋尊光召

爾時釋迦牟尼佛放大人相肉髻光明及放眉間白
毫相光徧照東方百八萬億那由他恒河沙等諸佛
世界

開會及召分身但放眉間毫相今召妙音乃兼放
肉髻光者肉髻爲無見頂相爲寃上果光蓋將宣
示妙圓之行乃極果行相故以極果之光召現也
佛有九十七種大人相肉髻頂其一

過是數已有世界名淨光莊嚴其國有佛號淨華宿
王智如來應供正徧知明行足善逝世間解無上士
調御丈夫天人師佛世尊爲無量無邊菩薩大衆恭
敬圍遶而爲說法釋迦牟尼佛白毫光明徧照其國
華嚴與菩薩所從來國表所行之行本所事佛表
所證之果淨光莊嚴卽依智之行也淨華宿智卽
依行之智也智行互嚴因果合體妙音妙行依此
示現

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△二妙音玄應七 初經家叙德

爾時一切淨光莊嚴國中有一菩薩名曰妙音久已植衆德本供養親近無量百千萬億諸佛而悉成就甚深智慧得妙幢相三昧汰華三昧淨德三昧宿王戲三昧無緣三昧智印三昧解一切衆生語言三昧集一切功德三昧清淨三昧神通遊戲三昧慧炬三昧莊嚴王三昧淨光明三昧淨藏三昧不共三昧日旋三昧得如是等百千萬億恒河沙等諸大三昧

檀德供佛成就深智言福慧兩足三昧此云正定圓覺云三昧正受者謂正定中受用之法簡異邪

受非謂梵語三昧此云正受也故寶積云三昧及正受妙幢相者摧邪表正而不住相也法華三昧深入一乘證諸實相淨德三昧衆德真淨物莫能染宿王戲者本智自在無所滯著無緣則照而常寂智印參合萬法解一切語言謂了皆真說集一切功德謂萬德圓備清淨三昧纖塵不立神通遊戲變現自在慧炬以能破癡暗莊嚴王以總攝妙行淨光明者得妙智明淨藏者得法眼藏不共謂二乘不及日旋則大千圓照得如是等河沙三昧謂交徹融攝重重無盡皆妙音所具也由具此故

能成妙行流通妙法

△二妙音發迹二 初白彼佛

釋迦牟尼佛光煥其身卽白淨華宿王智佛言世尊
我當往詣娑婆世界禮拜親近供養釋迦牟尼佛及
見文殊師利法王子菩薩藥王菩薩勇施菩薩宿王
華菩薩上行意菩薩莊嚴王菩薩藥上菩薩

此皆靈山法衆

爾時淨華宿王智佛告妙音菩薩汝莫輕彼國生下
劣想善男子彼娑婆世界高下不平土石諸山穢惡
充滿佛身卑小諸菩薩衆其形亦小而汝身四萬二
千由旬我身六百八十萬由旬汝身第一端正百千
萬福光明殊妙是故汝往莫輕彼國若佛菩薩及國
土生下劣想妙音菩薩白其佛言世尊我今詣娑婆
世界皆是如來之力如來神通遊戲如來功德智慧
莊嚴

娑婆佛身乃隱勝現劣比光嚴勝身在分別心遂
生劣想如來正見本絕異同故宿王以彼此異迹
爲告而妙音以如來三德而答示無劣想也三德
皆稱如來者謂今我所往其力用其神變其莊嚴
皆假如來之德皆出如實之道則於一切法無不

170

180

190

如矣何復勝劣之異哉是以現種種形說種種法
而於神通智慧無所損減爲如故也

△二現此瑞

於是妙音菩薩不起於座身不動搖而入三昧以三昧力於耆闍崛山去法座不遠化作八萬四千衆寶蓮華閣浮檀金爲莖白銀爲葉金副爲鬚甄叔迦寶以爲其臺

將與八萬菩薩俱共發來故先現此瑞甄叔迦此云鸚鵡寶赤如其觜故

△三文殊問瑞

爾時文殊師利法王子見是蓮華而白佛言世尊是何因緣先現此瑞有若干千萬蓮華閣浮檀金爲莖白銀爲葉金剛爲鬚甄叔迦寶以爲其臺此皆行境依智示現故假文殊智體而問

△四釋尊垂答

爾時釋迦牟尼佛告文殊師利是妙音菩薩摩訶薩欲從淨華宿王智佛國與八萬四千菩薩圍遶而來至此娑婆世界供養親近禮拜於我亦欲供養聽法華經

△五文殊願見

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

文殊師利白佛言世尊是菩薩種何善本修何功德而能有是大神通力行何三昧願爲我等說是三昧名字我等亦欲勤修行之行此三昧乃能見是菩薩色相大小威儀進止唯願世尊以神通力彼菩薩來令我得見

請問之辭皆爲機發

△六多寶爲現

爾時釋迦牟尼佛告文殊師利此久滅度多寶如來當爲汝等而現其相時多寶佛告彼菩薩善男子來文殊師利法王子欲見汝身

文殊願世尊以神通力爲現妙音而世尊反命多寶者多寶以神通願力在處證經欲假其神通願力故也

△七妙音來觀

於時妙音菩薩於彼國沒與八萬四千菩薩俱共發來所經諸國六種震動皆悉雨於七寶蓮華百千天樂不鼓自鳴與八萬四千菩薩俱來者示妙行隨應廣化塵勞也蓮華徧雨天樂自鳴表妙行隨處示現妙音離於作意

是菩薩目如廣大青蓮華葉正使和合百千萬月其面貌端正復過於此身真金色無量百千功德莊嚴威德熾盛光明照曜諸相具足如那羅延堅固之身此言其四萬二千由旬之相好也和合猶聚集也肇法師云那羅延天力士名端正殊妙志力雄猛入七寶臺上昇虛空去地七多羅樹諸菩薩衆恭敬圍遶而來詣此娑婆世界耆闍崛山到已下七寶臺以價直百千纓珞持至釋迦牟尼佛所頭面禮足奉上纓珞

示以法寶莊嚴法身

而白佛言世尊淨華宿王智佛問訊世尊少病少惱起居輕利安樂行不四大調和不世事可忍不衆生易度不無多貪欲嗔恚愚癡嫉妬慳慢不無不孝父母不敬沙門邪見不善心不攝五情不世尊衆生能降伏諸魔怨不

問示居堪忍事也貪恚癡慢等皆堪忍難度之事五情言五欲諸魔言五陰

久滅度多寶如來在七寶塔中來聽法不又問訊多寶如來安隱少惱堪忍久住不上皆宿王傳問之辭

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

世尊我今欲見多寶佛身唯願世尊示我令見爾時釋迦牟尼佛語多寶佛是妙音菩薩欲得相見時多寶佛告妙音言善哉善哉汝能爲供養釋迦牟尼佛及聽法華經并見文殊師利等故來至此

寶塔高遠仗佛求見表尊敬耳佛於囑累品從法座起時已出塔故云多寶佛塔還可如故舊謂二佛至此尚同座而妙音能見釋迦不見多寶徒構疑難

△三華德問因

爾時華德菩薩白佛言世尊是妙音菩薩種何善根修何功德有是神力

華德卽妙莊嚴王後身欲助揚妙因故發此問

△四釋尊答示五初叙往因

佛告華德菩薩過去有佛名雲雷音王多陀阿伽度阿羅訶三藐三佛陀國名現一切世間劫名喜見佛名雲雷音者一音利潤開覺羣動也國名現一切世間若根身器界皆能隨應也劫名依上而立由利潤隨應故時衆喜見

妙音菩薩於萬二千歲以十萬種伎樂供養雲雷音王佛并奉上八萬四千七寶鉢以是因緣果報今生

170

180

123456789

淨華宿王智佛國有是神力

樂宣法音鉢爲應器樂獻十萬種伎者示欲廣宣妙法也鉢奉八萬四千者示欲應化塵勞也故今果有妙音隨應之神

△二顯今迹

華德於汝意云何爾時雲雷音王佛所妙音菩薩伎樂供養奉上寶器者豈異人乎今此妙音菩薩摩訶薩是

△三明德本

華德是妙音菩薩已曾供養親近無量諸佛久植德本又值恒河沙等百千萬億那由他佛

△四明應化二 初總舉

華德汝但見妙音菩薩其身在此而是菩薩現種種身處處爲諸衆生說是經典

△二別明二 初略叙

妙音觀音應化皆能現十界身自天人獄鬼畜修

羅名六凡聲聞辟支菩薩佛名四聖是爲十界

△二隨釋二 初應六凡衆八 初應諸天衆

或現梵王身或現帝釋身或現自在天身或現大自在天身或現天大將軍身或現毗沙門天王身

一
接述

△二應王臣士庶

或現轉輪聖王身或現諸小王身或現長者身或現居士身或現宰官身或現婆羅門身

△三應入道四衆

或現比丘比丘尼優婆塞優婆夷身

△四應主婦童真

或現長者居士婦女身或現宰官婦女身或現婆羅門婦女身或現童男童女身

△五應八部類

或現天龍夜叉乾闥婆阿修羅迦樓羅緊那羅摩睺

羅伽人非人等身而說是經

△六應三惡趣

諸有地獄餓鬼畜生及衆難處皆能救濟

諸應皆言現身說經獨於惡趣不言者惡趣方沈
幽昏無由聞經但以神力救濟而已

△七應宮禁等

乃至於王後宮變爲女身而說是經

△八牒前廣顯

華德是妙音菩薩能救護娑婆世界諸衆生者是妙音菩薩如是種種變化現身在此娑婆國土爲諸衆

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

生說是經典於神通變化智慧無所損減是菩薩以若干智慧明照娑婆世界令一切衆生各得所知於十方恒河沙世界中亦復如是

此有三節初牒在此娑婆救濟二牒神變智照之功三牒此方如是十方亦然是謂廣顯也言種種變化而神智無損者前所謂得如來三德能一切如故也言智慧明照者方便開導也各得所知者隨類各解也

△二應四聖位

若應以聲聞形得度者現聲聞形而爲說法應以辟支佛形得度者現辟支佛形而爲說法應以菩薩形得度者現菩薩形而爲說法應以佛形得度者卽現佛形而爲說法如是種種隨所應度而爲現形乃至應以滅度而得度者示現滅度

△五總結答

華德妙音菩薩摩訶薩成就大神通智慧之力其事如是

△五請問三昧

爾時華德菩薩白佛言世尊是妙音菩薩深種善根世尊是菩薩住何三昧而能如是在所變現度脫衆

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

生

△六佛答所問

佛告華德菩薩善男子其三昧名現一切色身妙音
菩薩住是三昧中能如是饒益無量衆生

如淨摩尼隨方現色妙行流通期至於此

△七大根同證

說是妙音菩薩品時與妙音菩薩俱來者八萬四千
人皆得現一切色身三昧此娑婆世界無量菩薩亦
得是三昧及阨羅尼

及解一切語言阨羅尼也諸菩薩皆具體而微者
故因說是品皆得發明

△八妙音還歸

爾時妙音菩薩摩訶薩供養釋迦牟尼佛及多寶佛
塔已還歸本土所經諸國六種震動雨寶蓮華作百
千萬億種種伎樂

於彼發來所經亦爾示來往經行不離是道

既到本國與八萬四千菩薩圍遶至淨華宿王智佛
所白佛言世尊我到娑婆世界饒益衆生見釋迦牟
尼佛及見多寶佛塔禮拜供養又見文殊師利法王
子菩薩及見藥王菩薩得勤精進力菩薩勇施菩薩

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

等亦令是八萬四千菩薩得現一切色身三昧

菩薩舉措自他兼利

△九聞品成行

說是妙音菩薩來往品時四萬二千天子得無生法忍華德菩薩得法華三昧

無生法忍者證妙法之體法華三昧者得實相之用此所謂以妙行成實相之德

妙灑蓮華經觀世音菩薩普門品第二十五

△五圓行流通二 初略叙科儀

單發爲聲雜比爲音於世間衆苦襍聲齊觀並救號觀世音妙圓之行自一心出應無不徧號曰普門此繼前品說者妙音現形說法救濟衆難與觀音無異但略而未普妙而未圓觀音不離是行而能觀其音聲隨響而答大千圓應無去來相所謂自在之業普門示現則進於妙音其實二聖一道相爲始終耳故後頌觀音之德而兼云妙音是知二聖一道也卽妙音之行而演爲普門是知相爲始終也夫欲體前之法須兼二行從妙而普有始有終然後圓備故繼妙音說普門品爲圓行流通文殊於華嚴會終現法化已南歷人間說普照法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

界修多羅門所以圓彰前法體用善財歷百城已
到普門國成就阿僧祇法門遂能於諸有中普現
其身斯皆以行成德使圓而普也觀彼設法次序
名義與此宛同。

△二依科正解十 初無盡發問

爾時無盡意菩薩卽從座起偏袒右肩合掌向佛而
作是言世尊觀世音菩薩以何因緣名觀世音
將顯普門而因無盡意發起者表普門圓行應現
無盡也若愚讚云世界無邊塵擾擾衆生無數業
茫茫愛河無底浪滔滔是故我名無盡意觀音之
行亦若是矣

△二佛答名緣二 初答總相

從此至受持名字名十四無畏功德

佛告無盡意菩薩善男子若有無量百千萬億衆生
受諸苦惱聞是觀世音菩薩一心稱名觀世音菩薩
卽時觀其音聲皆得解脫

此於衆苦襍聲齊觀並救也於音言觀者以觀智
應物之謂觀卽真觀淨觀智慧慈悲是也觀觀之
體聞聞之性本無苦樂衆生不能返聞循聲流轉
故受諸苦惱觀音不隨聲塵妄起知見故一切解

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

脫而令苦衆生持其名蒙其觀者亦得解脫實真淨慈悲觀力加被故也昔琳法師稱名七日而免難於唐孫敬德誦經千徧而全生於魏卽脫諸苦惱之驗也

△二答別相三 初脫外業五 初脫三災

若有持是觀世音菩薩名者設入大火火不能燒由是菩薩威神力故若爲大水所漂稱其名號卽得淺處若有百千萬億衆生爲求金銀琉璃磚磲瑪瑙珊瑚琥珀真珠等寶入於大海假使黑風吹其船舫漂墮羅刹鬼國其中若有乃至一人稱觀世音菩薩名者是諸人等皆得解脫羅刹之難以是因緣名觀世音

楞嚴明十四無畏功德一者由我不自觀音以觀觀者令苦衆生觀其音聲卽得解脫夫不自觀音以觀觀者卽離塵復性之真觀也離塵復性則諸妄自脫故能令苦衆生蒙我真觀卽得解脫二者知見旋復則火不能燒三者觀聽旋復則水不能溺蓋見覺屬火聞聽屬水知見旋則離火塵聞聽旋則離水塵幻塵旣離真性斯復所以無能燒溺也能旋見聽則煩惱之火貪愛之水皆無能燒溺

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

矣四者滅妄斷殺則鬼不能害皆由離塵復性之觀力加被也昔于相國問黑風漂墮之義於紫玉呼名諷之公悖然變色玉曰便是黑風漂墮則凡不能離塵循聲流轉一念漂墮皆如是也

△二脫刑戮

若復有人臨當被害稱觀世音菩薩名者彼所執刀杖尋段段壞而得解脫

此由菩薩以六根消復同於聲聽之力加之以同聲聽無復形礙故使刀兵猶割水吹光性無損動

△三脫鬼害

若三千大千國土滿中夜叉羅刹欲來惱人聞其稱觀世音菩薩名者是諸惡鬼尚不能以惡眼視之況復加害

此假聞熏精明之力燦諸癡暗故鬼不能視斷滅妄想心無殺害故害不能加

△四脫囚繫

設復有人若有罪若無罪杻械枷鎖檢繫其身稱觀世音菩薩名者皆悉斷壞卽得解脫

此由音性圓消離諸塵妄之力加之塵妄旣離則身相不有故枷鎖自脫

170

1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

妙法蓮華經卷第十一

三

遠

△五脫怨賊

若三千大千國土滿中怨賊有一商主將諸商人齋持重寶經過嶮路其中一人作是唱言諸善男子勿得恐怖汝等應當一心稱觀世音菩薩名號是菩薩能以無畏施於衆生汝等若稱名者於此怨賊當得解脫衆商人聞俱發聲言南無觀世音菩薩稱其名故卽得解脫

此由滅音圓聞徧生慈力加之蓋因聞兩立則物我成敵滅音圓聞則內外無待故能徧慈而却敵也

無盡意觀世音菩薩摩訶薩威神之力巍巍如是
結外業也

△二脫內業三 初婬

若有衆生多於婬慾常念恭敬觀世音菩薩便得離慾

此由熏聞離塵色所不劫之力加之蓋衆生以欲習合塵故爲色劫一蒙妙力則欲愛乾枯根境而不偶雖有妖色不能劫動故便得離慾

△二恚

若多嗔恚常念恭敬觀世音菩薩便得離嗔

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

此由根境圓融無能所對之力加之蓋嗔由違情而起對境而生圓融則無違無對則不嗔矣

△三癡

若多愚癡常念恭敬觀世音菩薩便得離癡

此由消塵旋明朗徹無礙之力加之以癡由妄塵所蔽無明所覆消塵則無蔽朗徹則無覆故能旋復清明永離癡暗也內業有十而壞滅法身唯姪怒癡爲甚故舉三以兼餘上皆依楞嚴漸說自頓言之三毒水泡元無自性知觀觀者豈不便離無盡意觀世音菩薩有如是等大威神力多所饒益

是故衆生常應心念

結內業也

△三示福應

若有女人設欲求男禮拜供養觀世音菩薩便生福德智慧之男設欲求女便生端正有相之女宿檀德本衆人愛敬無盡意觀世音菩薩有如是力

融形涉世徧事諸佛爲法王子之力加之卽生男圓通合界承順如來受領法門之力加之卽生女若有衆生恭敬禮拜觀世音菩薩福不唐捐是故衆生皆應受持觀世音菩薩名號無盡意若有人受持

撰述

六十二億恒河沙菩薩名字復盡形供養飲食衣服臥具醫藥於汝意云何是善男子善女人功德多不無盡意言甚多世尊佛言若復有人受持觀世音菩薩名號乃至一時禮拜供養是二人福正等無異於百千萬億劫不可窮盡

此第十四無畏功德也楞嚴云此大千界現住世間有六十二億恒河沙菩薩修法垂範方便利生持名供養得無量福而持觀音名其福齊等蓋由觀音得真圓通一多平等彼我無二故也

無盡意受持觀世音菩薩名號得如是無量無邊福

德之利

總結十四無畏之福

△三問現形說法

無盡意菩薩白佛言世尊觀世音菩薩云何遊此娑婆世界云何而爲衆生說法方便之力其事云何

△四佛答所現二初且略叙

卽三十二應也觀音於楞嚴會上自說我昔供養觀音如來授我如幻聞熏聞修金剛三昧與佛如來同慈力故令我身成三十二應入諸國土始自佛身終至人非人等爲三十二皆以無作妙力自

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

在成就

△二正科釋二 初現四聖

佛告無盡意菩薩善男子若有國土衆生應以佛身得度者觀世音菩薩卽現佛身而爲說法應以辟支佛身得度者卽現辟支佛身而爲說法應以聲聞身得度者卽現聲聞身而爲說法

但舉三聖者妙音品開菩薩位此則合在佛位應讀爲膺當其根而應之也

△二現六凡衆三 初現天

應以梵王身得度者卽現梵王身而爲說法應以帝釋身得度者卽現帝釋身而爲說法應以自在天身得度者卽現自在天身而爲說法應以天大將軍身得度者卽現天大將軍身而爲說法應以毗沙門身得度者卽現毗沙門身而爲說法

梵王爲初禪天主帝釋爲忉利天主自在天居欲界頂大自在天居色界頂天大將軍統領鬼神四天王統領世界毗沙門居北方爲最尊初二從顯舉以梵釋常隨佛故次四從總舉謂欲界之總色界之總鬼神之總世界之總也

△二現人三 初現王臣士庶

應以小王身得度者卽現小王身而爲說法應以長者身得度者卽現長者身而爲說法應以居士身得度者卽現居士身而爲說法應以宰官身得度者卽現宰官身而爲說法應以婆羅門身得度者卽現婆羅門身而爲說法

妙音品先言輪王次言小王乃總別兼舉此從總舉合依正法華言輪王輪王統四天下小王治一邦國長者族姓推尊居士清節養素宰官判斷邦邑婆羅門術數攝衛

△二現入道四衆

應以比丘比丘尼優婆塞優婆夷身得度者卽現比丘比丘尼優婆塞優婆夷身而爲說法

前二出家持大戒後二出家持五戒

△三現主婦童真

應以長者居士宰官婆羅門婦女身得度者卽現婦女身而爲說法應以童男童女身得度者卽現童男童女身而爲說法

△三現神

應以龍夜叉乾闥婆阿修羅迦樓羅緊那羅摩睺

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

羅伽人非人等身得度者卽皆現之而爲說法應以執金剛神得度者卽現執金剛神而爲說法

手執金剛護佛法者六凡止舉天人神三類者舉得度者而已若地獄鬼畜方沈幽昏未應得度則漸滅其苦於頌見之

△三結所現

無盡意是觀世音菩薩成就如是功德以種種形遊諸國土度脫衆生

△五勸與供養

是故汝等應當一心供養觀世音菩薩是觀世音菩薩摩訶薩於怖畏急難之中能施無畏是故此娑婆世界皆號之爲施無畏者

△六無盡與供

無盡意菩薩白佛言世尊我今當供養觀世音菩薩卽解頸衆寶珠纓珞價直百千兩金而以與之作是言仁者受此法施珍寶纓珞

妙音供養釋迦特奉纓珞無盡供養觀音亦奉纓珞皆表法寶莊嚴故曰法施

時觀世音菩薩不肯受之無盡意復白觀世音菩薩言仁者愍我等故受此纓珞爾時佛告觀世音菩薩

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

當愍此無盡意菩薩及四衆天龍夜叉乾闥婆阿修羅迦樓羅緊那羅摩睺羅伽人非人等故受是瓔珞卽時觀世音菩薩愍諸四衆及於天龍人非人等受其瓔珞分作二分一分奉釋迦牟尼佛一分奉多寶佛塔

普門性中本無施受但爲物故施愍物故受也分奉二尊者示爲四衆莊嚴福歟也

△七總結前文

無盡意觀世音菩薩有如是自在神力遊於娑婆世界

結答云何遊此之間

△八以偈重頌二初無盡重問爾時無盡意菩薩以偈問曰

世尊妙相具我今重問彼佛子何因緣

名爲觀世音

△二釋尊偈答二風初總叙

具足妙相尊偈答無盡意

汝聽觀音行

善應諸方所

弘誓深如海

歷劫不思議

侍多千億佛

發大清淨願

我爲汝略說

聞名及見身

心念不空過

能滅諸有苦

△二別答八 初頌脫外業五 初頌三災

假使興害意 推落大火坑 念彼觀音力

火坑變成池 或漂流巨海 龍魚諸鬼難

念彼觀音力 波浪不能沒

於水言漂浪則兼風災自此至電雹消散皆頌外業在長行爲十四無畏而頌文事相不同又加傍頌者十四無畏特舉大略實具一切功德故也次傍頌險難

或在須彌峯 爲人所推墮 念彼觀音力

如日虛空住 或被惡人逐 墮落金剛山

念彼觀音力 不能損一毛

言峻利之極尚不能損況其小難

△二頌怨賊

或值怨賊遶 各執刀加害 念彼觀音力

咸卽起慈心

△三頌刑戮

或遭王難苦 臨刑欲壽終 念彼觀音力

刀尋段段壞

△四頌囚繫

或囚禁枷鎖 手足被杻械 念彼觀音力

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

釋然得解脫

次傍頌詛毒

呪詛諸毒藥 所欲害身者 念彼觀音力

還著於本人

具正念者橫逆莫加出爾反爾自貽伊戚

△五頌鬼害

或遇惡羅刹

毒龍諸鬼等

念彼觀音力

時悉不敢害

△次傍頌蛇獸

若惡獸圍遶

利牙爪可怖

念彼觀音力

疾走無邊方

蚯蛇及蝮蝎

氣毒煙火然

念彼觀音力

尋聲自回去

信謂兒無所投角

兵無所投刃也

次傍頌災變

△未雲雷鼓擊電

降雹澍大雨

念彼觀音力

應時得消散

雷電調適爲常

鼓擊爲變陰包陽

則爲凝雹陰過

陽則爲大雨是皆災變故欲其消散也

△二頌脫內業

衆生被困厄

無量苦逼身

觀音妙智力

能救世間苦

衆生由無妙智力故爲欲恚癡之所困逼

△三頌現形說法

具足神通力 廣修智方便 十方諸國土

無刹不現身 種種諸惡趣 地獄鬼畜生

生老病死苦 以漸悉令滅

智方便卽所謂有慧方便也雖三惡趣方沈幽昏
未應得度亦與漸滅其苦

△四結顯觀智

真觀清淨觀 廣大智慧觀 悲觀及慈觀

常願常瞻仰

其所以觀音脫苦能施無畏現形度生皆五觀之
力故此結顯也真以息妄淨以治染智以破惑悲
以拔苦慈以與樂以是五觀加被羣迷故妄染惑
苦應念息滅以常願仰而依之然性本圓澄因
迷起妄染既生故觀智繁設苟無妄染則真淨
不立矣蓋以真息妄等事皆聖人不得已也故楞
嚴曰言妄顯諸真妄真同二妄

△五重歡觀智

無垢清淨光 慧日破諸暗 能伏災風火

普明照世間

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

妙法蓮華經序卷之二

三

遠升

無垢慧日歎觀智之體伏災普照歎觀智之用伏
災言脫苦普照言現形

△六總歎說法

悲體戒雷震 慈意妙大雲 渾甘露法雨

滅除煩惱燄

戒教戒也法身無體以悲爲體故教戒所行如雷
作動聖人無意以慈爲意故利澤之興如雲潤覆
評訟經官處 怖畏軍陣中 念彼觀音力

衆怨悉退散

此亦傍頌施無畏德

△七頌名勸念

妙音觀世音 梵音海潮音 勝彼世間音

是故須常念 念念勿生疑

觀音之行不異妙音由能從妙而普故兼二號以
說法不滯爲妙音尋聲救苦爲觀音音性無著爲
梵音應不失時爲潮音此所以勝世間音也具是
衆德故須常念不間不疑則觀行智力無不相應
矣

△八頌德勸皈

觀世音淨聖 於苦惱死厄 能爲作依怙

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

具一切功德 慈眼視衆生 福聚海無量
是故應頂禮

觀聽反入離諸塵妄是謂淨聖乘彼正念假之福
力是謂依怙具一切德則隨所求而應之不止十
四無畏也慈視衆生則擇可度而度之不止三十
二應也其福聚如海利澤不窮故應皈命

△九持地讚顯

爾時持地菩薩卽從座起前白佛言世尊若有衆生
聞是觀世音菩薩品自在之業普門示現神通力者
當知是人功德不少

持地菩薩昔遇毗舍浮佛教之平持心地則一切
皆平是以妙法內平自心使外患自平不能爲
害者也故聞此品深讚其功意顯自在之業普門
之行實爲心地法門聞持之人苟能以是平持心
地則外患自平不能爲害可以於諸怖畏能施無
畏由是自在之業普門之行遂爲已有故曰若有
聞者當知是人功德不少觀音之號或曰觀世音
或曰觀自在其行或曰普門或曰圓通者依悲觀
慈觀應物之德言之故號觀世音依真觀淨觀照
心之功言之故號觀自在自一心而出應無不徧

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

妙法蓮華經解卷第七之一

五

遠

則謂之普門自萬物而反照無不融則謂之圓通
其實一而已故或以自在爲號或以自在名業以
自在爲號言心得自在如心經稱觀自在菩薩是
也以自在名業言行得自在如楞嚴無作妙力是
也然諸法行無非示使平持心地故此終以持地
讚顯

△十聞品成行

佛說是普門品時衆中八萬四千衆生皆發無等等
阿耨多羅三藐三菩提心

無等等者無等卽物無與等等者俱物爲等旣物
無與等而能與物爲等此如來最上德也觀音體
此以成普門行隨類應化與物爲等故聞其風者
皆能發如是心此所謂以圓行成最上之德

妙法蓮華經解卷第七之一

音切

甄居延船府望

杻敕九

械亥誠

捐余專

電步角

貽切

弋之澍

樹切

中府左都督李文貴施貲刻此
妙法蓮華經解卷第七之一
嘉興沙彌道梅對
真州趙之昂書

溧水端學堯刻

萬曆辛卯春五臺山妙德庵識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

妙灑蓮華經解卷第七之二

溫陵開元蓮寺比丘戒環解

妙灑蓮華經陁羅尼品第二十六

△六弘護流通二 初且略叙科

前品從妙而圓旣備成德然無以守衛恐魔事或作妄沮成功故二聖二天十神說陁羅尼呪誓以駈辟魔障消除衰患故名陁羅尼品而爲弘護流通也然成德之行旣妙而圓烏有魔事耶楞嚴曰本覺妙明昧爲頑空一切魔鬼皆依空昧明能破暗故一人發真彼皆消殞況彼羣邪戀此塵勞恐

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

其隳裂於三昧時僉來惱亂是爲奢摩他中微細魔事故須防衛茲實流通之助也陁羅尼此云惣持卽念慧妙力諸佛密語有一字多字無字之異能以一字惄無量法持無量義摧邪立正殄惡生善皆能惄而持之之謂也其體名陁羅尼其用名呪呪祝也以是法而祝之使從所祈也呪或諸佛密語出於心術妙用冥加之功不可得而思議或鬼神王名呼其王則媛魅竄伏以密語神名不應翻譯故或謂之真言

△二依文正釋七 初藥王問福

爾時藥王菩薩卽從座起偏袒右肩合掌向佛而白佛言世尊若善男子善女人有能受持法華經者若讀誦通利若書寫經卷得幾所福佛告藥王若有善男子善女人供養八百萬億那由他恒河沙等諸佛於汝意云何其所得福寧爲多不甚多世尊佛言若善男子善女人能於是經乃至受持一四句偈讀誦解義如說修行功德甚多

藥王卽喜見後身苦行持經志存弘護故發起此品然持經功德前品屢明如法師品比功不過供十萬億佛隨喜品比功不過施諸外物及得小果

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

而已至此比功則勝供八百萬億河沙佛者明持行益深獲功益勝也將伸弘護先問得福者使後世知其持行益深獲功益勝而遞爲弘護耳

△二藥王說呪

爾時藥王菩薩白佛言世尊我今當與說法者陁羅尼呪以守護之卽說呪曰

安爾

一曼爾

二摩禰

三摩摩禰

四旨

隸

五遮梨帝

六

賒咩

一羊鳴

二七賚履

三肉雜

四多

五贊輪

六千帝

七九目帝

八十目

多履

一姿履

二阿瑋姿履

三桑履

四婆履

五义喬

六

阿义喬

一十阿耆膩

二十一羶帝

三十一賚履

四十二陁羅尼

五二十

六阿

盧伽婆娑

一蘇柰

二簸蔟毗义膩

三二十

四禰毗刺

五二十

六阿便

哆

一都餓

二邏禰履刺

三二十

四阿賣

五哆波

六隸輸地

七二十

八首

寃隸

一初九反

二牟究隸

三二十

四阿羅隸

五二十

六波羅隸

七二十

八首

迦差

一三十反

二阿三磨

三三履

四三十

五佛駄

六毗吉利

七聚帝

八十三

達磨

一波利差

三猜離

四帝

五三十

六僧伽涅

七瞿沙爾

八三十

九婆

舍婆舍輸地

一五

二三十

三曼哆邏

四三十

五曼哆邏

六三十

七佛駄

八三十

郵樓哆

一三十

二郵樓

三婆憍舍略

四來加反

五惡义

六邏

七四十

八惡義

冶多治

一四十

二阿婆盧

三四十

四阿磨若

五在者反

六耶多夜

七三十

世尊是陁羅尼神呪六十二億恒河沙等諸佛所說若有侵毀此法師者則爲侵毀是諸佛已

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

由彼諸佛所授故也次釋尊印讚

時釋迦牟尼佛讚藥王菩薩言善哉善哉藥王汝愍念擁護此法師故說是陀羅尼於諸衆生多所饒益

△二勇施說呪

爾時勇施菩薩白佛言世尊我亦爲擁護讀誦受持法華經者說陀羅尼若此法師得是陀羅尼若夜叉若羅刹若富單那若吉庶若鳩槃茶若餓鬼等伺求其短無能得便卽於佛前而說呪曰

座

誓

螺

隸

一

摩訶

座

隸

二

郁枳

三

目枳

四

阿

隸

五

阿

隸

六

涅

隸

七

涅

隸

八

伊

緻

九

反

猪

履

泥

十

韋緻泥

十

旨

緻

泥

十一

涅

隸

墀

泥

十二

涅

梨

墀

婆

底

十三

世

尊

是

陀

羅

尼

神

呪

恒

河

沙

等

諸

佛

所

說亦皆隨喜若有侵毀此法師者則爲侵毀是諸佛已

妙音欲詣娑婆禮觀釋迦及見藥王勇施當知勇
爾施乃此會上首故特說呪諸佛亦皆隨喜者亦隨
喜擁護也富單那熱病鬼吉庶起屍鬼鳩槃茶可
畏鬼伺窺察也

△四毘沙天說呪

爾時毗沙門天王護世者白佛言世尊我亦爲愍念
衆生擁護此法師故說是陀羅尼卽說呪曰

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

阿梨一 邢梨二 飄邢梨三 阿邢盧四 邢履五 拘邢履

世尊以是神呪擁護法師我亦自當擁護持是經者令百由旬內無諸衰患

△五持國天說呪

爾時持國天王在此會中與千萬億那由他乾闥婆衆恭敬圍遶前詣佛所合掌白佛言世尊我亦以陀羅尼神呪擁護持法華經者卽說呪曰

阿伽禰一 伽禰二 瞞利三 乾陀利四 梅陀利五 摩路耆六 常求利七 浮樓莎泥八 頗底九

世尊是陀羅尼神呪四十二億諸佛所說若有侵毀此法師者則爲侵毀是諸佛已

毗沙北方天王力護佛法持國東方天王爲四方首

△六十神說呪

爾時有羅刹女等一名藍婆二名毗藍婆三名曲齒四名華齒五名黑齒六名多髮七名無狀足八名持瓔珞九名臯帝十名尊一切衆生精氣是十羅刹女與鬼子母并其子及眷屬俱詣佛所同聲白佛言世尊我等亦欲擁護讀誦受持法華經者除其衰患若

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有伺求法師短者令不得便卽於佛前而說呪曰
 伊提履一 伊提汎二 伊提履三 阿提履四 伊提履五
 泥履六 泥履七 泥履八 泥履九 泥履十 樓醯十一 樓醯
 樓醯十二 樓醯十三 樓醯十四 多醯十五 多醯十六 多醯十七 兜醯十八 飄
 醃十九

寧上我頭上莫惱於法師若夜叉若羅刹若餓鬼若
 富單那若吉蔑若毗陁羅若捷駄若烏摩勒伽若阿
 跋摩羅若夜叉吉蔑若人吉蔑若熱病若一日若二
 日若三日若四日若至七日若常熱病若男形若女
 形若童男形若童女形乃至夢中亦復莫惱

害人之鬼無甚於羅刹女鬼子母亦誓護持則餘
 神可知此呪皆鬼神之名毗陁羅等卽食精氣爲
 禹害鬼若一日等皆熱病鬼若男形等皆魑魅類
 卽於佛前而說偈言

若不順我呪 懊亂說法者 頭破作七分
 如阿梨樹枝 如弑父母罪 亦如壓油殃
 斗秤欺誑人 調達破僧罪 犯此法師者
 當獲如是殃

諸羅刹女說此偈已白佛言世尊我等亦當身自擁
 護受持讀誦修行是經者令得安隱離諸衰患消衆

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

毒藥

此偈所以勑呪使嚴警也阿梨樹枝墮地自成七
片弑父母破僧爲三逆壓油多殺虫命弄斗躡秤
或爲雷霆震殺皆重罪也調達曾於佛會將五百
比丘散去爲破和合僧次釋尊印讚

佛告諸羅刹女善哉善哉汝等但能擁護受持法華
名者福不可量何況擁護具足受持供養經卷華香
纓珞末香塗香燒香幡蓋伎樂燃種種燈酥燈油燈
諸香油燈蘇摩那華油燈瞻蓄華油燈婆師迦華油
燈優鉢羅華油燈如是等百千種供養者皇帝汝等

及眷屬應當擁護如是法師

△七聞品成行

說是陀羅尼品時六萬八千人得無生法忍
因總持妙力得忍成行也

妙法蓮華經妙莊嚴王本事品第二十七

△七轉邪流通二初且略叙科

妙圓之行既獲弘護又說轉邪者弘護所以衛外
轉邪所以正內外衛內正乃可安於妙圓而進於
普賢行故也天台云昔四比丘結契山林精持
妙法以餒乏故一人分衛見王威仗忽生愛著壽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

終因是俗念感生爲王號妙莊嚴其三友得道欲救其失以其邪著非愛緣無能感動於是一爲端嚴婦二作聰明兒托生設化轉其邪心令歸正覺以致法華會上爲華德菩薩今叙其本事欲使行人以道自衛外防見魔內絕惡覺消息邪緣入佛知見故爲轉邪流通此實諸佛究竟進修竟後垂範也楞嚴法會將終說過去佛覺明分析微細魔事使行人諳識心垢洗除諸魔補魄直至菩提無諸之少於大涅槃不生迷悶其意同此

△二依文上釋四 初叙本事二十五 初化尊

之佛

爾時佛告諸大衆乃往古世過無量無邊不可思議阿僧祇劫有佛名雲雷音宿王華智多陀阿伽度阿羅訶三藐三佛陀國名光明莊嚴劫名喜見

△二父子之名

彼佛法中有王名妙莊嚴其王夫人名曰淨德有二子一名淨藏二名淨眼

淨德者雖示染身其德本淨淨藏者妙理之所蘊淨眼者妙智之所顯皆其德所具也以具妙淨理智故能轉邪而爲華德

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△三二子之德

是二子有大神力福德智慧久修菩薩所行之道所謂檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜方便波羅蜜慈悲喜捨乃至三十七品助道法皆悉明了通達

方便非六度之數而通濟六度慈悲喜捨名四無量心大乘行法以四心爲體六度爲用道品爲助乃成佛果而二子皆悉明了通達三十七品者身受心法爲四念處斷惡生善爲四正勤欲勤心觀爲四神足信進念定慧爲五根五根伏魔外爲五力念擇覺喜輕安定捨爲七覺支見思語業合進念定爲八正道也念以觀汰勤以進修足以趣證根能不拔力能不屈覺能決了正能總攝皆相因而設也心性如大地念處如種子正勤如種植神足如抽芽五根如根五力如莖七覺如花八正如果二子悉具所謂具體者也

又得菩薩淨三昧日星宿三昧淨光三昧淨色三昧淨照明三昧長莊嚴三昧大威德藏三昧於此三昧亦悉通達

淨三昧者淨藏淨眼之所本也日星宿表本智別

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

捲述
妙莊嚴經卷之三

透十

智之照用也淨光能現衆像淨色不爲形礙淨照了萬法長莊嚴非素法身大威德藏具大神用爾時彼佛欲引導妙莊嚴王及愍念衆生故說是法華經

△四宿王說經

△五二子勸母

時淨藏淨眼二子到其母所合十指爪掌白言願母往詣雲雷音宿王華智佛所我等亦當侍從親近供養禮拜所以者何此佛於一切天人衆中說法華經宜應聽受

△六母遣化父

母告子言汝父信受外道深著婆羅門法汝等應往白父與共俱去

△七二子生悔

淨藏淨眼合十指爪掌白母我等是法王子而生此邪見家

△八淨德再勉

母告子言汝等當憂念汝父爲現神變若得見者心必清淨或聽我等往至佛所

△九二子現變

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

於是二子念其父故踊在虛空高七多羅樹現種種神變於虛空中行往坐臥身上出水身下出火身下出水身上出火或現大身滿虛空中而復現小小復現大於空中滅忽然在地入地如水履水如地現如是等種種神變令其父王心淨信解

得果人能現十八變卽此類也

△十父發淨信

時父見子神力如是心大歡喜得未曾有合掌向子言汝等師爲是誰誰之弟子二子白言大王彼雲雷音宿王華智佛今在七寶菩提樹下法座上坐於一切世間天人衆中廣說法華經是我等師我是弟子父語子言我今亦欲見汝等師可共俱往

△十一子喜報母

於是二子從空中下到其母所合掌白母父王今已信解堪任發阿耨多羅三藐三菩提心

△十二子請出家

我等爲父已作佛事願母見聽於彼佛所出家修道爾時二子欲重宣其意以偈白母

願母放我等 出家作沙門 諸佛甚難值

我等隨佛學 如優曇鉢華 值佛復難是

170

180

190

200

210

△ 脫諸難亦難 願聽我出家

△十三母卽聽許

母卽告言聽汝出家所以者何佛難值故

△十四勸親觀佛

於是二子白父母言善哉父母願時往詣雲雷音宿王華智佛所親近供養所以者何佛難得值如優曇鉢羅華又如一眼之龜值浮木孔而我等宿福深厚生值佛法是故父母當聽我等令得出家所以者何諸佛難值時亦難遇

阿含云妙高山下海中有一眼之龜一孔之木

得木孔可濟沈溺然其木流遠須彌三千年乃一相值且以一眼趁一孔爲至難愈佛法難值如此蓋衆生偏見自溺而聖人且不世出故也

△十五叙合宮德

彼時妙莊嚴王後宮八萬四千人皆悉堪任受持是法華經淨眼菩薩於法華三昧久已通達淨藏菩薩已於無量百千萬億劫通達離諸惡趣三昧欲令一切衆生離諸惡趣故其王夫人得諸佛集三昧能知諸佛祕密之藏

此叙合宮有德易爲勸化也後宮之德根機純利

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

淨眼之德妙達實相淨藏之德善能接濟夫人之德深知法要王及後宮爲當機淨藏淨眼爲能教機教相契所以易化也集三昧者諸佛會要三乘指歸也故得是三昧則能知祕藏

△十六合宮從化

二子如是以方便力善化其父令心信解好樂佛法於是妙莊嚴王與羣臣眷屬俱淨德夫人與後宮采女眷屬俱其王二子與四萬二千人俱一時共詣佛所到已頭面禮足遶佛三匝却住一面

△十七佛爲說法

爾時彼佛爲王說法示教利喜王大歡悅

△十八捨愛廻心

爾時妙莊嚴王及其夫人解頸真珠纓珞價直百千以散佛上

△十九佛力示現

於虛空中化成四柱寶臺臺中有大寶牀敷百千萬天衣其上有佛結跏趺坐放大光明所施珠纓化成法空之座柔忍之衣寶覺之體乃佛力示現以發其正念也

△二十邪心頓絕

爾時妙莊嚴王作是念佛身希有端嚴殊特成就第一微妙之色

時王一覩勝相頓覺世間幻惑之色無可愛樂故深讚佛身微妙之色此則邪心拚絕正念現前故得授記

△二十一佛與授記

時雲雷音宿王華智佛告四衆言汝等見是妙莊嚴王於我前合掌立不此王於我法中作比丘精勤修習助佛道法當得作佛號娑羅樹王國名大光劫名大高王其娑羅樹王佛有無量菩薩衆及無量聲聞其國平正功德如是

佛號取廣蔭羣生國名取破諸邪暗劫名取超諸貴高皆符其因行以一念淨信風化臣妾使皆得法利卽廣蔭行破邪行也由是捨王位得佛位卽超諸貴高也

△二十二捨國得道

其王卽時以國付弟與夫人二子并諸眷屬於佛法中出家修道王出家已於八萬四千歲常勤精進修行妙法華經過是已後得一切淨功德莊嚴三昧於八萬四千歲修法華行所以淨治塵勞也過是

已後謂塵勞旣淨則三昧現前遂轉邪見染莊嚴爲功德淨莊嚴也

△二十二 感善知識

卽昇處空高七多羅樹而白佛言世尊此我二子已作佛事以神通變化轉我邪心令得安住於佛法中得見世尊此二子者是我善知識爲欲發起宿世善根饒益我故來生我家

二子神變卽現十八變事宿世善根卽四人結契事

△二十四宿王印證

爾時雲雷音宿王率智佛告妙莊嚴王言如是如是如汝所言若善男子善女人種善根故世世得善知識其善知識能作佛事示教利喜令人阿耨多羅三藐三菩提大王當知善知識者是大因緣所謂化導令得見佛發阿耨多羅三藐三菩提心

印證前言之當也

大王汝見此二子不此二子已會供養六十五萬億那由他恒河沙諸佛親近恭敬於諸佛所受持法華經愍念邪見衆生令住正見

爲陳二子轉邪遠因也言歷事恒沙多佛愍念邪

170

180

190

123456789

撰述

見衆生則不獨今日轉妙嚴之邪耳

△二十五妙嚴讚謝

妙莊嚴王卽從虛空中下而白佛言世尊如來甚希
有以功德智慧故頂上肉髻光明顯照其眼長廣而
辯青色眉間毫相白如珂月齒白齊密常有光明唇
色赤好如頻婆果

歷讚相好妙德者深悟昔所愛著皆幻惑也功德
智慧讚福智二嚴

爾時妙莊嚴王讚歎佛如是等無量百千萬億功德
已於如來前一心合掌復白佛言世尊未曾有也
患諸惡之心說是語已禮佛而去

前讚福報此讚法化也言具足成就等者以已一
聞正法遂能轉邪一得三昧遂能神變是如來之
法能具足成就不可思議功德也言教戒所行
安隱快善者喜蒙法化慶所成就也不隨心不生
邪皆法化教戒之力故讚而謝之

△二示今緣

佛告大眾於意云何妙莊嚴王豈異人乎今華德菩

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

薩是其淨德夫人今佛前光照莊嚴相菩薩是哀愍妙莊嚴王及諸眷屬故於彼中生其二子者今藥王菩薩藥上菩薩是

△三讚二子德

是藥王藥上菩薩成就如此諸大功德已於無量千萬億諸佛所植衆德本成就不可思議諸善功德若有人識是二菩薩名字者一切世間諸天人民亦應禮拜

△四聞品成行

併說是妙莊嚴王本事品時八萬四千人遠塵離垢於諸法中得法眼淨

塵謂邪見垢謂邪染外遠見塵內離垢染則法眼圓明絕諸瑕翳矣此以正力助成德行也

妙法蓮華經普賢菩薩勸發品第二十八

△八常行流通二 初略叙科名

窮妙法之始終然後盡出興大事合諸佛之智行然後見如來全身是經之作始於文殊問答終於普賢勸發二十八品條理一貫乃所以窮始終合智行大事因緣於是乎畢如來法身於是乎全也蓋智能發覺所以作始行能成德所以成終而中

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

間事法無非智行互相資發也華經最初因門以文殊發信以開進修之序最後果門以普賢結法以示果後之行今經意義済然高矣普賢者德無不徧曰普佑上利下曰賢卽徧具妙德上佑佛化下利羣物之號也勸發者勉進義也前雖開佛知見明因地心顯佛本跡成果地覺洎明妙圓之行猶是等覺行相若坐於此而不進則有虧妙覺成德未極向上之道故復勉而進之庶德無不徧而佑上利下以成果後常行以盡妙覺之道故名普賢勸發而爲常行流通也華嚴至十一地佛功德

海一切滿足然後說普賢常行名善入世間三昧與萬法相應不二真實法門卽此意也所謂常行者泯覺觀無作任冥物我同染淨一切平常恬然自在妙覺向上之事遮那平道之教乃所謂平實者也然須詳斯經依佛知見海順流而入滿足一切佛功德海然後逆流而出乃可蹈此哀今之人望涯逐塊以世俗愚陋之見而擬妙覺平實之行於諸教門專事呵毀縱脫不修確守無時枉受輪轉楞嚴所謂譬如平人妄稱帝王自取誅滅可不慎哉使學佛者皆如逐塊之流呵教執俗棄智

絕行直謂無修則妙法始終復何所明大事因緣亦幾乎息矣然則始於佛之知見終於普賢常行極而示之存乎教備而證之存乎人達者宜盡心焉

△二依科略釋四 初普賢勸發八 初來儀軌範

爾時普賢菩薩以自在神通力威德名聞與大菩薩無量無邊不可稱數從東方來

普賢統事法界圓具萬行卽事而真其應身無乎不在且於法會之終示從東方來者東方震帝之所

出也以法會至此因地智圓果地覺滿十一地妙圓之行備則進修之功已盡妙覺之體已成於是依無功用行出震利物故從東來肇嚴過十地說佛海功德旣終卽說如來出現利世間行卽此意也以不離常行無爲應物故曰自在神通以德無不徧名無不聞故曰威德名聞與無邊菩薩俱來者示萬行圓攝無盡也

所經諸國普皆震動雨寶蓮華作無量百千萬億種種伎樂

妙音來儀亦雨蓮華作伎樂皆所以彰顯妙行宣

170123456789180123456789190123456789

流法音也

又與無數諸天龍夜叉乾闥婆阿修羅迦樓羅緊那
羅摩睺羅伽人非人等大衆圍遶各現威德神通之
力到娑婆世界耆闍崛山中頭面禮釋迦牟尼佛右
遶七匝

△二請問顯法

白佛言世尊我於寶威德上王佛國遙聞此娑婆世
界說法華經與無量無邊百千萬億諸菩薩衆共來
聽受唯願世尊當爲說之若善男子善女人於如來
滅後云何能得是法華經

寶威德上王者利行自在之號也普賢既具自在
威德又言從寶威德上王佛國來者明其示現益
體諸佛自在利行普賢心聞能洞十方故曰遙聞
得者得之以成德行也前之所問唯修持讀說而
已獨此問云何能得是經欲人人自得也

△三示普賢行

佛告普賢菩薩若善男子善女人成就四法於如來
滅後當得是法華經一者爲諸佛護念二者植衆德
本三者入正定聚四者發救一切衆生之心善男子
善女人如是成就四法於如來滅後必得是經

爲佛護念謂道契佛心植衆德本謂福慧兩辦入正定聚卽體佛妙體也發救生心卽行佛妙行也四法成就乃能真得是經以成普賢常行

△四發行流通。

爾時普賢菩薩白佛言世尊於後五百歲濁惡世中其有受持是經典者我當守護除其衰患令得安隱使無伺求得其便者若魔若魔子若魔女若魔民若爲魔所著者若夜叉若羅刹若鳩槃茶若毗舍闍若吉旃若富單那若韋陀羅等諸惱人者皆不得便普賢常行無復已利純是利他故自此皆則流通

法化護持經人無別行相毗舍闍惱害鬼韋陀羅厭禱鬼

是人若行若立讀誦此經我爾時乘六牙白象王與大菩薩衆俱詣其所而自現身供養守護安慰其心亦爲供養法華經故是人若坐思惟此經爾時我復乘白象王現其人前其人若於法華經有所忘失一句一偈我當教之與共讀誦還令通利

普賢乘象表行儀庠序也言若行若立若坐者示於四威儀中念念常見普賢妙行

爾時受持讀誦法華經者得見我身甚大歡喜轉復

撰述

妙法蓮華經卷第十二

精進以見我故卽得三昧及陀羅尼名爲旋陀羅尼百千萬億旋陀羅尼法音方便陀羅尼得如是等陀羅尼

由此經故真見普賢常行之體於一切法返本還源名旋陀羅尼旣能旋末返本卽復旋體入用於一塵一法一切時處方便利生逆順自在名百千萬億旋陀羅尼此卽普賢徧一切處之行也前旋爲轉物所謂旋假入空後旋爲應物所謂旋空入假轉物爲體應物爲用若未能轉物而遽然應物則爲物所轉矣然則二旋異用而相需也法音方便卽隨應說法之行

△五說呪護持

世尊若後世後五百歲濁惡世中比丘比丘尼優婆塞優婆夷求索者受持者讀誦者書寫者欲修習是法華經於三七日中應一心精進滿三七日已我當乘六牙白象與無量菩薩而自圍遶以一切衆生所喜見身現其人前而爲說法示教利喜亦復與其陀羅尼呪得是陀羅尼故無有非人能破壞者亦不爲女人之所惑亂我身亦自常護是人唯願世尊聽我說此陀羅尼呪卽於佛前而說呪曰

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

阿檀地達賣
反一檀陁婆地二檀陁婆帝三檀陁鳩舍隸

四檀陁修陁隸五修陁隸六修陁羅婆底七佛默波

羶襍八薩婆陁羅尼九阿婆多尼九薩婆婆沙阿婆多

尼十修阿婆多尼十一僧伽婆履義尼十二僧伽涅伽陁

十一阿僧祇十二僧伽波伽地十三帝隸阿隋僧伽兜略

十一阿羅帝波羅帝十二薩婆僧伽三摩地伽蘭地十三

薩婆達磨修波利刹帝十四薩婆薩埵樓鴟舍略阿

魏伽地十五辛阿毗吉利地帝十六

利智修觀凡以三七日爲期以求感應故滿三七

日普賢卽現楞嚴云縱彼障深未得見我我與其

人暗中摩頂擁護安慰古今修觀屢有瑞應亦屢

有不應者或不精誠或非利智故也楞嚴云欲坐

道場先持淨戒淨衣清心若本戒師及同會中一

不清淨如是道場終不成就圓覺云鈍根未成者

常當勤心懾諸障若消滅佛境便現前

△六自述願力。

世尊若有菩薩得聞是陁羅尼者當知普賢神通之力若法華經行闇浮提有受持者應作此念皆是普賢威神之力

後世聞呪持經皆藉普賢流通願力也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

△七勸正憶念

若有受持讀誦正憶念解其義趣如說修行當知是人行普賢行於無量無邊諸佛所深種善根爲諸如來手摩其頭

持經要行在正憶念蓋憶不正則襍想變亂念不正則邪習汨擾欲成深行難矣故普賢於此特明正憶念行而下文再三言之憶念既正則所行無非普賢妙行故爲如來摩頂印證

若但書寫是人命終當生忉利天是時八萬四千天女作衆伎樂而來迎之其人卽著七寶冠於采女中娛樂快樂何況受持讀誦正憶念解其義趣如說修行

持經五功書寫爲下若但書寫卽生忉利況具五功又正憶念其福倍勝如下所明

若有人受持讀誦解其義趣是人命終爲千佛授手令不恐怖不墮惡趣卽往兜率天上彌勒菩薩所彌勒菩薩有三十二相大菩薩衆所共圍遶有百千萬億天女眷屬而於中生有如是等功德利益是故智者應當一心自書若使人書受持讀誦正憶念如說修行

此牒上文明倍勝之福也。忉利乃第二天所共唯天人兜率卽第四天所共。乃菩薩倍勝可知矣。授手提接義也。內宮天女皆以化生無有淫欲。

△八總結流通。世尊我今以神通力故。守護是經。於如來滅後。間浮提內廣令流布使不斷絕。

△二釋尊助揚四初嘉讚普賢

爾時釋迦牟尼佛讚言。善哉善哉。普賢汝能護助是經。令多所衆生安樂利益。汝已成就不可思議功德。深大慈悲。從久遠來。發阿耨多羅三藐三菩提意。而能作是神通之願。守護是經。我當以神通力。守護能受持普賢菩薩名者。

△二助揚正福四初冥證妙利

普賢若有受持讀誦正憶念修習書寫是法華經者。當知是人則見釋迦牟尼佛。如從佛口聞此經典。當知是人供養釋迦牟尼佛。當知是人佛讚善哉。當知是人爲釋迦牟尼佛手摩其頭。當知是人爲釋迦牟尼佛衣之所覆。

此助宣正憶念佛以成普賢前說也。則見釋迦如從口聞等者。謂能正憶念佛。則即是經而見佛不滯。

於名相卽是法而造妙不異於觀聞也是爲供佛謂能作佛事爲佛所讚謂深契佛心摩頂言得果有期衣覆言成柔忍行皆由憶念之正故冥證若此

△二自具妙樂

如是之人不復貪著世樂不好外道經書手筆亦復不喜親近其人及諸惡者若屠兒若畜猪羊鷄狗若獵師若衒賣女色是人心意質直有正憶念有福德力是人不爲三毒所惱亦不爲嫉妒我慢邪慢增上慢所惱是人少欲知足能修普賢之行

此皆正憶念力也有正憶念自然具足安樂行法而三毒妬慢所不能惱真能修普賢行當知正憶念力實妙行真要所以普賢再三言之釋尊又復助揚意使後世知普賢所以勸發成行不在多術唯正憶念足矣行人識之

△三當成妙果

普賢若如來滅後後五百歲若有人見受持讀誦法華經者應作是念此人不久當詣道場破諸魔衆得阿耨多羅三藐三菩提轉法輪擊法鼓吹法螺雨法雨當坐天人大衆中師子法座上

已得正因故。

△四得清淨生。

普賢若於後世受持讀誦是經典者是人不復貪著衣服臥具飲食資生之物所願不虛亦於現世得其福報。

憶念既正趣操自高所願自遂。

△三明讚毀業。

若有人輕毀之言汝狂人耳空作是行終無所獲如是罪報當世世無眼若有供養讚歎之者當於今世得現果報若復見受持是經者出其過惡若實若不實此人現世得白癩病若輕笑之者當世世牙齒疎缺齶唇平鼻手脚繚戾眼目角瞖身體臭穢惡瘡膿血水腹短氣諸惡重病。

報應之理出乎性命之微益由性生心由命制業心以內感業以外召各從其類毫末不志意報應之於心業猶萬形之於模範焉吉凶美惡類自爲範莫不相肖是以毀持經之正見則世世無眼供養讚歎則得現果報出其過惡則得惡疾輕笑之者則獲醜狀若手脚之繚曲乖戾眼目之角瞖倒視皆醜狀也又加之臭惡瘡膿鼓喘重病凡皆心

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

之模範以類自召故也世之艱窮醜陋癃殘百疾者不無宿因昧者雖覩其然莫知其所以然故或不覺愆失而行將自及爲可悲者此佛所以助揚普賢利行而因言報應之端使人以類推之知自防閑庶無愆失之患蓋亦利行之緒餘也易道彰往察來明得失之報因貳以濟民行其意同此

△四結勸崇尚
是故普賢若見受持是經典者當起遠迎當如敬佛母召毀業也

△三聞品成行

說是普賢勸發品時恒河沙等無量無邊菩薩得百千萬億旋陀羅尼三千大千世界微塵等諸菩薩具普賢道

萬億旋陀羅尼卽徧一切處之行也普賢道卽徧一切處之體也說普賢品無量菩薩皆得是行刹塵菩薩皆具是體者妙法終談智行體用一切圓備故聞品成行若此其至卽所謂人常行成不德之德是乃法華實相之極證也自藥王品進至於此爲以行契智當然大用之門華嚴法終善財復見文殊普賢爲以行契智果法大用當然之門其

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

孫述

文淵閣四庫全書

卷之二

庚子

圖書
五

天啟人樂人詩一堅大會清大燭喜樂并冊留并

而此

妙音華嚴經卷第十一

真

錦言一食

真

真

真

真

真

午
廿
一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200